

古今治平畧

古今治平畧卷之十四

豫章

朱

健子强文著

弟

朱

微子美父訂

二和門人何

介石公父較

治河篇

三代兩漢治河

昔者帝堯時洪水爲災帝咨四岳治水者僉薦鯀帝  
試之九載績用弗成至帝舜受禪殛鯀而更謀善治  
水者四岳又薦鯀之子伯禹諸舜于是進之司空俾

治水禹既受命乃握括符暨虞余度人徒以俾土俾  
前人之非度乃勞身焦思履四時乘四載行山表木  
斬高橋下定高山大川疏導滯鍾水豐物身泰茂  
以爲人先是時水之患河爲甚沛次之淮次之江漢  
次之濁河所被冀兗重而雍輕次之所被明徐輕而  
兗青冀之流皆自其東北走海而冀又上都故治水  
之急先于河于是發迹壺口治梁及岐南至于華陰  
東至底柱及盟津維汭至於大伾禹以爲河所從來  
者高水湍悍難以行平地數爲敗乃麗二渠以引其

河北載之高地過洛水至大陸構爲九河合爲逆河  
以入海冀州旣又于是準地之勢自北而南兗青徐  
爲東偏雍高于豫豫高于青徐雍豫餘輦洛而入河  
揚下于荆荆下于梁梁荆之水來自揚而人海故東  
南次兗青又南次徐四州治而河患息又南次于揚  
又西次于荆以放江淮江淮又南洪水定淪涉漂決  
汝漢引南河以通淮泗排淮泗而注之海于是由荆  
而北次于豫由豫而西次于梁由梁而北次于雍以  
奠江河之上流櫛泉繁以反諸術濬畝濬以距諸川

汨九川以距諸海。九川滌原。九山封崇。九澤始陂。蒸民乃粒。萬邦作乂。始禹之治水七年矣。傷功未就。愀然沉思。于是上觀于河。河精受旨。乃北見六子。獲玉璽之書。以從事。受黑書于臨洮。得綠字于濁水。乃駐江山樓。桐栢受策。得童律。狂章鴻蒙之徒。制其水怪。乘龍降之。命范成光郭哀御以通原。開宛委黃帝書。乃登鴈覆探穴。獲五符。知治水要。于是復岳下龍門。受玉簡。以揆地。遂周行天下。主名山。州以利于民。伯川理脈。土地所宜。風氣所生。畢究其政。草木企走。蜚

動、蟲、魚、俾、益、䟽、之、以、爲、岳、瀆、山、海、二、經、當、是、時、也、陸、  
行、載、車、水、行、乘、舟、泥、行、乘、橇、山、行、則、楫、居、外、三、十、年、  
三、過、門、而、不、入、功、之、所、施、名、川、三、百、支、流、三、千、而、弗、  
自、功、古、人、云、明、德、遠、矣、微、魚、<sup>禹</sup>之、功、吾、其、魚、乎、其、功、之、  
施、于、下、世、者、如、此、其、深、且、著、也、從、今、考、之、其、始、于、冀、  
州、非、徒、以、帝、都、爲、先、也、蓋、水、患、皆、因、下、流、壅、塞、而、然、  
必、先、施、功、于、下、流、以、䟽、其、壅、塞、之、勢、然、後、施、功、于、上、  
流、以、濬、其、發、源、之、地、下、流、有、所、歸、則、上、流、有、所、殺、矣、  
夫、天、下、大、勢、西、北、高、而、東、南、下、九、水、惟、河、爲、大、水、患、

惟河爲惡河始入于雍而經于冀則冀當河之下流而兗又其下流入海之處所以禹之功役自冀而兗則䟽濟之下流也自青而徐則䟽淮之下流也自揚而荆則䟽江漢之下流也河濟淮江漢五水之下流既通水患之平已十七八矣然上流不濬則猶未免有壅塞之虞于是自荆而豫以濬伊洛之源自豫而梁以濬江漢之源自梁而雍以濬河渭之源此所謂失九川距海而水之太者有所歸濬畝澮距川而水之小者有所泄皆順其自然之性而不與水爭故水

由地中行而民免昏墊之害萬世疏鑿之智孰有外  
是者哉至殷河數圮決至五遷都以避之不聞其有  
所隄塞猶近循禹之跡故也迨周而封井分豎之制  
詳當時溝洫滄川起自田畝畿疆封築取諸農隙早  
蓄潦泄任之農功卒然有急移用其民以救其時事  
取乎力征故土不隄而固水不渠而灑河出地中行  
蓋不勞而定也亦無爲事河矣其後東遷靈王時穀  
洛關將毀王宮王欲壅之太子晉諫曰不可古之長  
民者不墮山不崇藪不防川不寶澤夫山土之聚也



數○物○之○歸○也○川○氣○之○導○也○澤○水○之○鍾○也○夫○天○地○成○而○  
聚○于○高○歸○物○于○下○疏○爲○川○谷○以○導○其○氣○陂○塘○污○庫○以○  
鐘○其○美○是○故○聚○不○施○崩○而○物○有○所○歸○氣○不○沉○滯○而○亦○  
不○散○越○是○以○民○生○有○財○用○而○死○有○所○塋○然○則○無○天○昏○  
札○瘥○之○憂○而○無○饑○寒○乏○賁○之○患○故○上○下○能○相○固○以○待○  
不○虞○古○之○聖○王○惟○此○之○慎○昔○共○工○棄○此○道○也○虞○于○湛○  
樂○淫○失○其○身○欲○壅○防○百○川○墮○高○溷○卑○以○害○天○下○皇○天○  
弗○福○禍○亂○並○興○共○工○用○滅○其○在○有○虞○有○崇○伯○鯀○播○其○  
淫○心○利○達○共○工○之○過○堯○用○殛○之○于○羽○山○其○後○伯○禹○念○

前之非度。釐改制。量象物。天地比類。百則儀之于民。而度之于羣生。共之從孫。四岳佐之。高高下下。䟽川導滯。鍾水豐物。封崇九山。夾汨九川。波障九澤。豐殖九藪。汨越九原。宅居九隩。合道四海。故天無伏陰。地無散陽。水無沉氣。火無災燂。神無開行。民無淫心。時無逆數。物無害生。師象禹之功。度之于軌儀。莫非嘉績。克厭帝心。皇天嘉之。胙以天下。賜姓曰姒氏。曰有夏。謂其能以嘉祉殷富生物也。胙四岳國。命爲侯伯。賜姓曰姜氏。曰有呂。謂其能爲禹股肱心膂。以養物。

豐民人也。今吾執政無乃實有所缺。以滑夫二川之神。使妨王宮。王而飾之。無乃不可乎。人有言曰。無過亂人之門。又曰。佐饗者嘗焉。佐鬻者傷焉。夫民有怨亂。猶不可遏。而况神乎。王將妨鬻川以飾宮。是飾亂而佐鬻。其無乃章禍且遇傷乎。王不聽。卒壅之。數傳至定王五年。河南徙砮礮。失禹之故道。自是諸侯各作隄防。壅遏百川。以自便利。甚或反加決灌。以隣爲壑。而河遂溢。溢滋爲患。言沿及漢興。孝文時。河決酸棗。東潰金隄。于是東都大興。卒塞之。至武帝元光中。

河決匏子東南召鉅野通于淮泗上使汲黯鄭當時  
與人徙塞之輒復壞是時武安侯田蚡爲丞相其奉  
邑食鄒鄒居河北河決而南則鄒無水災邑收入多  
蚡言于上曰江河之決皆天事未易以人力强塞强  
塞之未必應天而望氣用數者亦以爲然是以久不  
復塞也後二十餘年河務徙歲以數不登而梁楚之  
地爲尤其上旣封禪巡祭山川其明年乾封少雨乃  
使郭昌汲仁發卒數萬人塞匏子河于是上以用事  
萬里沙蹟還自臨決河湛白馬玉璽令群臣從官自

將軍以下皆負薪寘決河是時東都燒草以故薪柴  
少而下淇園之竹以爲捷于是帝悼民之久勞哀傷  
大息而作歌卒塞瓠子築宮其上名曰宣防而道河  
北行二渠復禹舊迹梁楚之地復寧無水災後元鼎  
間方事匈奴興功利齊人延年上書言河出昆侖經  
中國注渤海是其地勢西北高而東南下也可案圖  
書觀地形令水土準高下開大河上領出之胡中東  
注之海如此關東長無水災北邊不憂匈奴可以省  
隄防備塞士卒轉輸胡寇侵盜覆軍殺將暴骨原野

之患天下常備何奴而不憂百越者以其水絕壤隔也。此功一成萬世大利。書奏上壯之。報曰延年計議其深然。河乃大禹之所道也。聖人作事爲萬世功。通於神明。恐難收。更自塞宜房後。河復北決於館陶。分爲屯氏河。東北經魏郡。清河信都。勃海入海。廣深與大河等。故因其自然不隄塞也。此開通後。館陶東北四五郡雖時小被水害。而兗州以南六郡無水憂。宜帝地節中。光祿大夫郭昌使行河曲三所水流之。執皆邪。直貝丘縣。恐水盛隄防不能禁。迺各更穿渠直。

東經東郡界中不令北曲渠通利百姓安之○元帝永  
光五年河決清河靈鳴犢口而屯氏河絕成帝初清  
河都尉馮遂奏言郡承河下流與兗州東郡分水爲  
界城郭所居尤卑下上壤脆易傷頃所以闕無害者  
以屯氏河道南川分流也○今屯氏河塞靈鳴犢口又  
益不利獨一川兼受數河之任雖高增隄防終不能  
泄如有霖雨旬日不霽必盈溢靈鳴犢口在清河東  
界所在處下雖令通利猶不○魏郡清河減損水  
害禹非不愛民力○多有執故穿九河今既成難

明屯氏河不流行七十餘年新絕未久其處易浚又  
其口所居高於以分流殺水力道里便宜可復浚以  
助大河泄暴水備非常又地節時郭昌穿直隸後三  
歲河水更從故第二曲間北可六里復南合今其曲  
執復邪直只丘百姓寒心宜復穿渠東行不豫修治  
北決病四五郡南決病十餘郡然後憂之晚矣事下  
丞相御史白博士許商治尚書善爲筭能度功用遣  
行視以爲屯氏河盈溢所爲方用度不足可且勿浚  
後三歲河果決於館陶及東郡金隄泛濫充豫入平



原千乘濟南凡灌四郡三十二縣水居地十五萬餘頃深者三丈壞敗官亭廬室且四萬所都史大夫尹忠對方畧䟽闕上切責之忠自殺遣大司農非調調均錢穀河決所灌之郡謁者二人發河南以東漕船五百艘徙民避水居丘陵九萬七千餘口河隄使者王延世使塞以竹落長四丈大九圍盛以小石兩船夾載而下之三十六日河隄成上曰東郡河決流漂二州校尉延世隄防三旬立塞其以五年爲河平元年卒治河者爲著外縣六月惟延世長於計策功費

約省用力日寡。朕甚嘉之。其以恩世爲光祿大夫。秩  
中二千石。賜爵關內侯。黃金百斤。後二歲。河復決。平  
原流入濟南。千乘所壞敗者半。建始時。復遣王延世  
治之。杜欽說大將軍王鳳以爲。前河決。丞相史楊焉  
言。延世受焉。術以塞之。蔽不肯見。今獨任延世。延世  
見前塞之易。恐其慮害不深。又審如焉言。延世之巧  
反不如焉。且水勢各異。不博議利害。而任一人。如使  
不及今冬成。來春桃華水盛。必羨溢。有填淤反壤之  
害。如此數郡。種不得下。民人流散。盜賊將生。雖重誅

延世無益於事宜遣焉。及將作大匠許商諫太皇太后乘馬延年雜作延世與焉。必相破壞深論便宜以相難。極商延年皆明計筭能商功利足以分別是非擇其善而從之。必有成功。鳳如欽言白遣焉。等作治六月。遇成復賜延世黃金斤。治河卒非受平買者爲著外。繇六月後九歲。鴻嘉四年。楊焉言從河上下患底柱隘。可鑄廣之上。從其言。使焉鑄之。鑄之裁沒水中。不能去。而令水益湍怒爲害甚於故。是歲勃海清河信都河水溢。溢灌縣邑二十一敗。官亭民舍四萬餘所。

河隄都尉許商與丞相史孫禁共行視圖方畧禁以爲今河溢之害數倍於前決平原時今可決平原金隄開開通大河令人故篤馬河至海五百余里水道浚利又乾三郡水地得美田且二十餘萬頃足以償所開傷民田廬處又省吏卒治隄救水歲三萬人以上許商以爲古說九河之名有徒駭胡蘇鬲津今見在成平東光鬲界中自鬲以北至徒駭間相去二百餘里今河雖數移徙不離此域孫禁所欲開者在九河南篤馬河失水之迹處執平夷旱則於絕水則爲

敗不可許。公卿皆從商言。先是谷永以爲河中國之  
經。濟聖王興。則出國書。王道廢。則竭絕。今濟溢橫流。  
漂沒陵阜。異之大者也。修政以應之。災變自除。是時  
李尋解光亦言。陰氣盛。則水爲之長。故一日之間。晝  
減夜增。江河滿溢。所謂水不潤下。雖常於卑下之地。  
猶日月變見於朔望。明天道有因而作也。衆庶見王  
延世蒙重賞。競言便巧。不可用。議者常欲求索九河  
故迹而穿之。今因其自決。可且勿塞。以觀水執河欲  
居之。當稍自成川。跳出沙土。然後順天心而圖之。必

有成功而用財力寡於是遂止不塞滿昌師丹等數  
言百姓可哀上數遣使者處業振贍之哀帝初平當  
使領河隄奏言九河今皆寔減按經義治水有決河  
深川而無隄防壅塞之文河從魏郡以東北多溢決  
水迹難以分明四海之衆不可誣宜博求能浚川疏  
河者下丞相孔光大司空何武奏請部刺史三輔三  
河弘農太守舉吏民能者莫有應待詔賈讓上議曰  
治河有上中下策古者立國居民疆理土地必遺川  
澤之分度水勢所不及決川無妨小水得入陂障卑

下○以○爲○汗○澤○使○秋○水○多○得○有○所○休○息○左○右○游○波○寬○緩○  
而○不○迫○夫○土○之○有○川○猶○人○之○有○口○也○治○土○而○防○其○川○  
猶○止○兇○啼○而○塞○其○口○豈○不○遽○止○然○其○死○可○立○而○待○也○  
故○曰○善○爲○川○者○決○之○使○道○善○爲○民○者○宜○之○使○言○蓋○隄○  
防○之○作○近○起○戰○國○雍○防○百○川○各○以○自○利○齊○與○趙○魏○以○  
河○爲○竟○趙○魏○潞○山○齊○地○卑○下○作○隄○去○河○二○十○五○里○河○  
水○抵○齊○隄○則○西○泛○趙○魏○趙○魏○亦○爲○隄○去○河○二○十○五○里○  
雖○非○其○正○水○尚○有○游○盪○時○至○而○去○則○填○淤○肥○美○民○耕○  
田○之○或○久○無○害○稍○築○室○宅○遂○成○聚○落○大○水○時○至○源○沒○

且更起隄防以自救。稍去其城郭。排水澤而居之。澤溺自其宜也。今隄防阨者。去水數百步遠者。數里。河從河內北至黎陽。爲石隄。激使東抵東郡平剛。又爲石隄。使西北抵黎陽。觀下又爲石隄。使東北抵東郡津北。又爲石隄。使西北抵魏郡昭陽。又爲石隄一激。使東北百餘里間。河再西。三東迫阨如此。不得安息。此前世所必排也。今行上策。徙冀州之民。當水衝者。決黎陽遮害亭。放河使北入海。河西薄大山。東薄金堤。勢不能遠有泛濫。期月自定。難者將曰。若如此。敗



壞城郭田廬塚墓以萬數百姓怨恨昔大禹治水山  
陵當路者毀之故鑿龍門開伊閼析砥柱破碣石墮  
斷天地之性此乃人功所造何足言也今瀕河十郡  
治堤歲費且萬萬及其大決所殘無數如出數年治  
河之費以業所徙之民遵古聖之法定山川之位使  
神人各處其所而不相奸且以大漢方制萬里豈其  
與水爭咫尺之地哉此功一立河定民安千載無患  
故謂之上策若乃多穿漕渠於冀州地使民得以溉  
田分殺水怒從淇口以東爲石隄多張水門據堅地

作之。執必完安。冀州渠首。盡當印此水門。治渠。但爲  
東方一隄。北行三百餘里。入漳水。中其西。因山足高。  
地諸渠。皆往往股引取之。旱則開東方下水門。溉冀  
州水。則開西方高門。分河流。通渠有三。利不通有三。  
害。民常罷於救水。半失作業。水行地上。湊澗上。激民  
則病。濕木皆立。枯鹵不生。穀決溢有敗。爲魚鼈食。此  
三害也。若有渠。溉則鹽鹵下。照填於加肥。故種禾麥。  
更爲杭稻。高田五倍。下田十倍。轉漕舟船之便。此三  
利也。今瀕河隄吏卒郡數千人。伐薪買石之費。歲數

千萬足以通渠成水門。又民利其漑溉相率治渠。雖勞不罷。民田適治。河隄亦成。此誠富國安民與利除害。支數百歲。故謂中策。若乃繕完故隄。增卑培薄。勞費無已。數逢其害。此最下策也。王莽時徵能治河者以百數。其大畧異者長水校尉平陵關並言河決率常於平原東郡左右。其地形下而土疏。惡聞禹治河時本空此地。以爲水猥盛則放溢。少稍自索。雖時易處。猶不能離此。上古難識。近察秦漢以來。河決曹衛之域。其南北不過百八十里者。可空此地。勿以爲官。

亭民室而已大司馬史長安張戎言水性就下行矣  
則自刮除成空而稍深河水重濁號爲一石水而六  
斗泥今西方諸郡以至京師東行民皆引河潤山用  
水溉田春夏乾燥少水時也故使河流遲滯淤而稍  
淺雨多水暴至則溢決而國家數隄塞之稍益高於  
平地猶築垣而居水也可各順從其性毋得灌漑則  
百川流行水道利無溢決之害矣御史臨淮韓牧以  
爲可畧於禹貢九河處穿之縱不能爲九但爲四五  
宜有益大司空掾王橫言河入勃海勃海地高於韓

牧○所○欲○穿○處○往○者○天○嘗○連○雨○東○北○風○海○水○溢○西○南○出○  
滯○數○百○里○九○河○之○地○已○爲○海○所○漸○矣○禹○之○行○河○水○本○  
隨○西○山○下○東○北○去○周○譜○云○定○王○五○年○河○徙○則○今○所○行○  
非○禹○之○所○穿○也○又○秦○攻○魏○洸○河○灌○其○都○決○處○遂○大○不○  
可○復○補○宜○卻○徙○完○平○處○更○開○空○使○緣○西○山○足○乘○高○地○  
而○東○北○入○海○迺○無○水○災○沛○郡○桓○譚○爲○司○空○掾○典○其○議○  
爲○甄○豐○言○凡○此○數○者○必○有○一○足○宜○詳○考○驗○皆○可○豫○見○  
計○定○然○後○舉○事○費○不○過○數○億○萬○亦○可○以○事○諸○浮○食○無○  
產○業○民○空○居○與○行○役○同○當○衣○食○衣○食○縣○官○而○爲○之○作○

通兩便可以上繼禹功下除民疾王莽時但崇空言  
無施行者迄于東漢建武十年陽武令張汜上言河  
決積久日月浸毀濟渠所漂數十許縣修理之費其  
功不難宜修改隄防以安百姓書奏光武卽爲發卒  
方營河功而浚儀令樂俊復上言昔元光之間人庶  
熾盛緣堤墾殖而瓠子河決尚二十餘年不卽擁塞  
今居家稀少田地饒廣雖未修理其患猶可且新被  
兵革方興力役勞怨旣多民不堪命宜須平靜更議  
其事光武得此遂止後汴渠東侵日月彌廣而水門

故處皆在河中充豫百姓怨嘆以爲縣官恒興他役  
不先悉民時議者異論久而不決或以爲河流入汴  
幽冀蒙利故曰左隄強則右隄傷左右俱強則下方  
傷○宜任水勢所之使人隨高而處則公家息雍塞之  
費百姓無陷溺之患○永平十二年議修汴渠會有薦  
樂浪王景能理水者顯宗乃引見問以理水形便景  
陳其利害應對敏給帝善之乃賜景山海經河渠書  
禹貢圖及錢帛衣物夏遂發卒數十萬遣景與謁者  
王吳修渠築堤自滎陽東至千乘海口千餘里景乃

商度地勢鑿山阜破砥績直截溝洫防遏衝要踰夾  
壑積十里立水門令更相洄注無潰漏之患景雖簡  
省役費然猶以百億計明年夏渠成帝親自巡行詔  
濱河郡國置河隄員吏如西京舊制爾是河入千乘  
而德棣之河又播爲八故水有所洩而力分偶合於  
禹功故自東京訖唐河水與穀洫伊汝嘗間溢爲敗  
然不至大橫決如異時而有司所以備河者亦益工  
矣。





# 宋元治河

自周顯德初大決東平之楊劉宰相李穀監治隄自  
楊穀抵張秋以遏渭之水患少息然決河不復故道  
離而爲赤河宋太祖乾德二年遣使案行將治古隄  
議者以舊河不可卒復力役且大遂止但詔民治運  
隄以禦衛生之患其後赤河決東平之竹村七州之  
地復罹水災三年秋大雨霖開封府河決陽武又孟  
州水漲壞中渾橋梁澶鄆亦言河決帝以河堤屢決  
分遣使行視發畿甸丁夫繕治自時歲以爲常皆以

正月首事季春而畢是月詔開封大名府鄆瀘滑孟  
濱德衛鄭等州長吏並兼本州河隄使蓋以謹力役  
而重水患也開寶中決瀘淵被數州官吏不時上藝  
祖聞震怒判州事司封郎中姚恕坐棄市知州杜審  
肇坐免詔緣黃河汴河清河御河州縣準舊制藝桑  
棗外別課民樹榆柳爲河防瀘州修河卒歲增賜錢  
鞋勞焉已又詔開封等十有七府府各置河防官一  
員佐使者行治河已河決濮陽又決陽武發諸州兵  
及丁夫凡五萬人遣潁州團練使曹翰護其役翰辭

太祖謂曰霖雨不止又聞河決朕信宿以來焚香上  
禱于天若天災流行願在朕躬勿延于民也翰頓首  
對曰昔宋景公諸侯耳一發善言災星退舍今陛下  
憂及兆庶懇禱如是固當上感天心必不爲災翰至  
河上親督工徒未幾決河皆塞太宗太平興國七年  
河大漲壁清河凌鄆州城將陷塞其門急奏以聞詔  
殿前承旨劉吉馳往固之八年五月河大決滑州韓  
村泛澶濮曹濟諸州民田壞居人廬舍東南流至彭  
城界入于淮詔發丁夫塞之隄久不成乃命使者按

視遙隄舊址使回條奏以爲治遙堤不如分水勢自  
孟抵鄆雖有隄防唯滑與廂最爲隘狹如此二州之  
地可立分水之制宜於南北岸各開其一北人王莽  
河以通于海南人靈河以通于淮節減暴流一如汴  
口之法其分水河量其遠邇作爲斗門啓閉隨時務  
平均濟通利運漑農田此富庶之資也不報時多陰  
雨河久未塞帝憂之詔和嶠立學士張齊賢乘傳詣  
白馬津用大牢加璧以祭發卒治已乃塞詔長吏以  
下及巡河使時行經庶勿致壞隄違者竊置于法真

宗大中祥符四年。棟河決。聶家口及空。灣。城。法。數十里。民舍多壞。乃徙城於商河。後興踰年。雖扞設完築。裁免決溢。而湍流益暴。塌地益削。河勢高。民屋殆踰丈矣。民苦久役。終憂水患。著作佐郎李垂上導河形勝書三篇。并圖其畧。曰。兩漢而下。言水利者。屢欲求九河故道而疏之。今考圖志。九河並在平原而北。且河壞澶滑。未至平原而上已決矣。則九河奚利哉。漢武拾太任之故道。發頓丘之暴衝。則溢充泛。齊流患中土。使河朝平田。膏腴千里。縱容邊寇。劫掠。

其間○今天河盡東○全燕陷北○而禦邊之計○莫大於河○不然○則趙魏百城富庶○萬億○所謂海盜○而招寇矣○一日○伺我機○僅乘虛入○寇臨時用計者○實難○不如因人足財豐之時○成之爲易○廷臣議其煩費○遊寢時○黃河以時漲落○北人舉物候爲之名○立春後○東風解凍○並河人候水○寸夏秋爲一尺○謂之信水○三三月○堯始華水○長謂之堯華水○春末○堯華水○謂之萊華水○四月麥黃水○五月瓜瓞水○朔野水○堅盛夏消○驛盡而沃蕩○山石水○帶碧腥○謂之碧山水○七月豆華水○八月菽苗水○

九月登高水十月水落安流復故道謂之復轉水十  
一十二月斷水雜流乘寒復結謂之蹙凌水其非時  
暴漲謂之客水有司歲虞河決常以孟秋預調菱蘆  
捷板竹石菱索竹索待塞治謂之春料梢菱相重雜  
以土石貫以巨竹外鋪菱索卷而束之積置卑薄之  
處謂之埽岸又有馬頭鋸牙木岸蹙水勢護隄焉仁  
宗時決橫隄改而北流議者以爲當塞參政蔡齊曰  
水性下而河北地卑順所趨導之可無漉滑潰壅之  
患而貝博諸州得在河之南於國便但當理堤護魏



州而已從之已決大名館陶殿中丞李仲昌請自澶  
州商胡河穿六塔渠入橫壠故道以披其勢丞相富  
弼主其畫下廷議學士歐陽修上議曰臣聞河本泥  
沙無不淤之理而淤之執常先下流下流淤高水  
行不快必自上流低下處而決此其常也夫避高就  
下水之本性故河流已淤之道復之實難天禧中河  
出京東水行今所謂故道者水道淤塞乃決滑州天  
臺尋塞之復故又於滑州南鐵狗廟決已又決王楚  
靖與故道分流而故道益淤已又於橫壠大決是決

河○非○不○能○力○塞○故○道○非○不○能○力○復○然○不○久○必○決○由○故○  
道○淤○高○水○不○能○行○故○也○後○十○餘○年○橫○壠○之○水○又○自○下○  
流○先○淤○於○上○流○商○胡○口○而○決○矣○臣○聞○智○者○之○於○事○有○  
不○能○必○則○較○其○利○害○之○輕○重○擇○其○利○多○害○少○者○爲○之○  
猶○勝○於○害○多○而○利○少○也○况○有○害○而○無○利○乎○開○六○塔○者○  
言○六○塔○既○開○河○執○自○減○今○六○塔○開○而○恩○冀○之○患○正○苦○  
危○惡○則○減○水○之○利○虛○妄○可○知○又○言○六○塔○既○成○可○以○全○  
回○大○河○夫○六○塔○本○分○減○之○水○下○流○無○歸○已○爲○濱○河○德○  
博○之○患○若○全○回○大○河○以○入○之○則○害○當○如○何○况○開○六○塔○

治二千餘里。隄防移一縣兩鎮。計其功費大於塞商胡數倍。公私困弊不可勝計。幸而可塞水入六塔而東。濱河數州素稱富饒。爲河北財用所仰者。咸破其害。破壞田產。坐見貧虛。不過數年。且復他決。其爲有害無利也。必矣。惟因水所在。增治隄防。疏其下流。浚以入海。則所謂害之少者。是智者之所擇也。章再上不省。已商胡塞而河力壯。六塔不能容。是歲大決。崩八夫原。芻蕘無筭。而仲冒流英州。自是議者憚數大。不敢論回河事矣。熙寧初。河溢恩州。都水監臣朱昌

言內侍程昉獻議言自慶曆中商胡北流二十有餘  
年矣自澶淵而下州軍創堤千餘里公私勞費今又  
衝棗疆願疏六塔舊口并二股河導使東而提舉河  
渠王亞等言黃河御河通北行入獨流東砦經乾寧  
滄州等八砦直入海近海口愈深則於遼海戕力殆  
天之所以限契丹也議者欲開二股漸閉北流此乃  
未覩黃河在界河內北流之利耳詔翰林學士司馬  
光內侍省都知張茂則乘傳往相度而光等還對請  
如昌言策於二股西置上約犇水令東流俟東流深

卽塞北流。放御河胡盧河獨下。以紓恩冀深瀛以西  
之患。北流者本商胡決河。自魏州北至恩冀入於海。  
東流者二股。河自魏州東至德滄入於海者也。時議  
者多異。帝意主昌言。會故相韓魏公琦留守大名。具  
疏言。今歲兵夫數少。而全堤兩埽修上下約甚。恐深  
進馬頭之間。勢欲奪大河而行。緣二股及嫩難舊刷  
千一百步。今截去八百步。有餘。東大河於二百餘步  
之間。下流旣盛。蹙過湍怒。其衝決必矣。況自德至滄  
皆二股下流。旣無砥防。必侵民田。儻令河門束狹。上

下約隨流而脫則二股與北流爲一其患愈人又思  
深州所創生堤東則大河西則西山諸水腹背交注  
兩難捍禦望選近臣速至河所與外官詳度帝復命  
光與茂則侂而光等言二股河上約並在離上不礙  
河行但所進方鋸牙已深致北流河門稍塞宜減折  
二十步令近後仍作埽裏護之其滄德界有古堤誠  
葺治卽不至侵田且二股本欲疏河水東去生堤本  
欲捍河水東來相表裏不可廢也帝終以琦說爲疑  
而王安石主程昉言堅不可奪已二股河通行而北

流稍自開。水官張羣請塞北流。詔光茂則復往視。光入辭。言羣欲閉北流。恐勞費。幸而可塞。東流淺狹。隄防未全。必且致決溢。是移恩冀深瀝之患於君德等州也。不若俟二三年。東流益深。北流漸淺。新得有備已。乃塞。便。帝曰。東流北流之患。孰輕。孰重。光曰。兩地皆王民。無輕重。帝曰。若河水常分流。功當何時成。光曰。上約苟存。東流必增。北流必減。借使分三流。下羣等不見成功。于國家亦無深害。何則。西北之水併於東山。故害大。分則小矣。帝曰。防捍兩河。供億難。光曰。

併爲二則勞費倍分二流則勞費省。今減北流財力之半備東流不亦可乎。時二股河東流及六分光以爲須及八分乃可塞。安石以光議屢不合意沮議罷不遣獨遣茂則行遂閉北流。肇詔獎昉輩等而河乃自其南四十里東決。溢大名恩德滄永靜五州之境。又明年決館陶永濟清陽已又溢漕村衛州將新堤凡六堵而決者二。下屬恩冀貫御河爲一。帝憂之數遣使經度而主者護短言二股河地最下而舊防可因今湮者僅三十餘里可塞也。卒塞之而河溢大名



帝語執政言京東河北民調發良苦今復決奈何且河決不過占一河之地或西或東其利害何較但聽其所趨則如何王安石曰北流不塞占公私田至多又水散滂久復澱塞修二股費至少而公私田皆出之瀉鹵成膏沃可耕庸非利乎况調大已絀於往誠葺理則河歲夫愈減矣於是聽選人李公議者獻鐵龍爪揚泥法以濬河而川輒不効帝謂安石曰歐陽修言開河如放火河決爲失火爲害等而勞民盡已諸安石曰勞民以道所謂毒天下而民從之者也庸

何傷於是填部員外郎范子淵阿安石意言河必可  
治乃命子淵尸其事公義爲之屬而是秋河溢壞民  
田特甚詔都水監詰官吏不以水災聞者程昉以憂  
死又明年河大決澶州河益南東滙於梁山張澤灤  
分二派一合南清河入於淮一合北清河入於海灤  
郡縣四十五而濮齊鄆徐尤甚遣使者捫築而塞詔  
名曹村口曰靈平已小吳埽復決自澶淵入御河恩  
州危用李立之言立東西兩堤五十九埽捫之而是  
歲河溢內黃埽決鄭州原武埽又溢滄州南皮清池

決水靜軍阜城埽震平下危甚乃決大吳埽堤以紓  
難於是舉治河司言洛口廣武埽河壩岸敗侵斗門  
萬有一入汴且爲都成憂詔速護迄歲終乃定七年  
河溢元城埽決橫堤破大名北京帥臣王拱辰言河  
水暴至數十萬生靈皆號呼求救而錢穀稟轉遲常  
平歸提舉軍器工匠隸提刑埽片物料兵卒遠屬都  
水監卽倉卒何施詔聽越常制牒所轄不及者移用  
違者聽勅治大抵熙寧初專欲導河使東流開北流  
元豐後因河決而北議者始欲復禹故迹今北去帝

愛惜民力思順水性而中官程昉水官范子淵故爲  
安石使率以不治元祐初霖雨溢河北諸郡而回河  
東流之議復起自大臣文彥博呂大防皆主之中書  
舍人蘇轍謂右僕射呂公著曰河決而北先帝不能  
回而諸公欲回之是自謂智勇執力過先帝也右相  
范純仁言聖人有三寶曰慈曰儉曰不敢爲天下先  
今聖意有所向爲天下先矣羣下競趨如川流山摧  
非一人一言可回挽乞寢前命下三省樞密院集議  
文彥博呂大防安燾謂河不東失中國之險爲契丹

利純仁王存胡宗愈言誠河可回東而北流遂斷卽  
勞費何惜○今水官自未有必然之論但僥倖於萬一  
以冀功又豫求免責將何以責成○今公私財力俱困  
奈何起數千萬繁費○固不可必成之功乎○且契丹御  
得其道則自景德至今八九十年通好如一日○險易  
故焉○御失其道○如石晉末耶律德光犯闕○豈無黃河  
未見其能有阻也○况今河流未必果過界而北乎○明  
日純仁又畫四不可之說以進○命需後而尚書省守  
前議○下使者條對○於是相視使者范百祿等具對言○

臣等按行黃河獨流口至界河又東至於海口熟觀形勢而緣河使臣各稱界河未經黃河行流間闊百五十步至五六十步深丈有五尺至一丈自黃河行流之後闊至五百四十步次者亦三四百步深者三丈五尺淺乃二丈乃知水性就下行疾卽入地自深。自元豐元年河山大吳入界河行勢如傾建今入年衝刷兩岸日漸深廣趨海之勢甚迅雖遇元豐七年八年元祐元年之水泛濫非常而大吳上數百里終無決溢則界河乃河流歸納之處必然之勢也塘濶

雖有限遠之名而無其實淺可蹇蹇以涉深可維舟  
而濟冬寒水堅尤爲坦途如滄州等商胡之決久已  
填淤迄無邊警亦無人言以爲大憂自回河之議起  
首以此動煩聖聽不思大吳初決水未有歸猶不北  
去今入海漸迅界河益深當何所處乎稽令有此則  
中國實據上流契丹豈容無慮自古朝那蕭關雲中  
朔方太原右北平之間皆南北往來之途豈嘗以塘  
濬界河爲之限也臣等竊伏爲本朝以來未有大河  
安流合禹迹如此之利者且河遇離湯流行遲淺則

有於壅若趨深走下湍激奔騰獨有州除無由淤積  
便之大者也乃罷回流及修減水河議未幾冀州南  
宮等五埽危惡都水監言大河千里未見歸納欲爲  
經久之計宜循二股之策時吳安持李偉復力主東  
流而謝卿材謂近歲河流稍循地中無可回之理上  
河議一篇召赴政事堂會議大臣不以爲然尋以旱  
暵詔權罷修河蘇轍適使契丹還言河北之民聞詔  
權呼宜先罷修河司及吳安持李偉都水建差遣正  
其罪六年乃竄責李偉明年以吏部郎中趙鼎代之



傳素與安持等議不協至是三省人作北流軟堰傳  
上言曰河事大利害有三而言者互進其說或見近  
忌遠微倖盜功或取此舍彼講宸昧型遂使大利不  
明大害不去上惑朝聽下滋民患橫殺枉費豈勝窮  
哉所謂大利害者北流全河患水不能分也東流分  
水患水不能行也宗城河決患水不能閉也是三者  
去其患則爲利未能去則爲害今不謀此而議欲專  
閉北流止知一日可閉之利而不知異日既塞之患  
止知北流伏槽之水易爲力而不知闕村方漲之勢

未可併以入東流也。夫欲合河以爲利而不恤上下  
壅潰之患。是皆見近忘遠。微倖盜功之事也。有司欲  
斷北流而不執其咎。乃引分水之說。姑爲軟堰。知河  
衝之不可以軟堰禦。則又爲決堰之計。竊恐其在有  
工費。而以河爲戲也。請俟漲水。伏槽觀大河之勢。以  
治東北二流可乎。已而梁村上下約束狹河門。既決  
漲水。遂壅而潰。南犯德清西決。內黃東淤。梁村北出  
闕村宗城決口。復行魏店北流。因淤遂斷。河水四出。  
壞東郡浮梁。監察御史郭知章請閉北流。乞下都水

監相度于是吳安特復兼領都水卽建言塞梁村以  
開清豐口以東鵝灰河分殺水勢以護東流之平呂  
大防以其與已意合向之范純仁復爲右相與蘇轍  
力以爲不可是歲紹聖元年也轉運使趙卨深不以  
爲然提刑上官均助之僞之言曰河自孟津初行平  
地必須全流乃成河道禹之治水自冀北抵滄棧始  
播爲九河以其近海無患也今河自橫壠大塔商胡  
小吳百年之間皆從西決蓋河徙之常勢而有  
歸制約橫截河流回河不成因爲分水初決南官再

決宗城三決內黃亦皆西決則地勢西下較然可見  
今欲彌息河患而逆地勢戾水性臣未見其能就功  
也安撫使許將言度今之利若舍故道止從北流則  
慮河下流已湮而上流橫潰爲害益廣若直閉北流  
東徙故道則復慮受水不盡而被隄爲患竊謂宜因  
梁村之口以行東因內黃之口以行北而盡閉諸口  
以絕大名諸州之患俟春夏水大至乃觀故道足以  
受之則內黃之口可塞不足以受之則梁村之役可  
止定其成議則民心固而河之順復有時可以保其

無害知章復言河復故道水之趨東已不可退近日  
遣使按視遂司議論未一臣謂水官朝夕從事河上  
望專委之右正言張商英奏言元豐間河決南宮口  
講議累年先帝嘆曰神禹復生不能回此河矣乃勅  
自今後不得復議回河閉口蓋保用蘆人之論俟其  
泛濫自定也元祐初文彥博出大防以前敕非是振  
吳安持爲都水使者委以東流之事京東河北五百  
里內差夫五百里外出錢僱夫及支借常平倉司錢  
買梢草斬伐榆柳凡八年而無尺寸之效乃遷安持

大僕卿王宗望代之宗望至則劉奉世猶以彥博大  
防餘意力主東流以梁村口吞納大河今則梁村口  
淤澱而開沙堤兩處決口以泄水矣前議累七十里  
堤以障北流今則云俟霜降水落興工矣朝廷咫尺  
不應九年爲水官蔽欺如此九年之內年年禁山水  
漲霜降水落豈獨今年始有漲水而待水落乃可以  
興工耶乞遣使按驗虛實取索回河以來公私費錢  
權梢草依仁宗朝六塔河施行會廣武埽危急詔王  
宗望亟往救護旣塞河畢工因上書言自元豐潰決

而東北西流利害甚鉅頻年紛爭國論靡適比奉詔  
自闕村至拷栳堤諸河門並閉而築金堤七十里盡  
障北流使河全東又自闕村下至海補築新舊隄防  
疏濬淺淤雖盛夏水漲不至壅決望付史官紀述用  
彰聖明獨斷之哲詔第部役等官功次以聞時東流  
隄防未固瀕河多被患流民入京師往往泊御廊及  
僧舍以棲詔諭還本土就賑而安持復言請開濬州  
故河以殺漲水於是商英又疏言今年開北河都水  
監長貳交章稱賀請付史官則是河水已歸故道止

宏修緝堤埽防將來壅決而已近聞安持宗望等卻  
欲開澶州故道以分水候漲落相度施「前來漲水  
及今各至澶州德清軍界安持首尾數年豈得不見  
更候漲落則是狡兔之穴自爲潛身之計悠悠之談  
非公心爲國也乞詔前後水官及前後本道監司經  
河事之人詣都堂反覆詰難取至當議定歸一庶免  
以有限之財事無涯之功是歲河決內黃口全北流  
詔州縣共力救護隄岸左司諫王祖道請正吳安持  
鄭佑李偉罪授遠方明先帝聽北流之志詔曰可建



中靖國元年春尚書嘗言自去夏蘇村漲水後全河  
湯流今已淤高三四尺空立西堤詔都水使者審君  
貺同北外丞司經度之於是左正言任伯雨奏河爲  
中國患二千歲矣自古竭天下之力以事河者莫如  
本朝而向衆人偏見欲屈大河之勢以從人者莫甚  
于近世臣不敢遠引祇於元祐末年小吳決溢議者  
乃譎謀異計欲立奇功以邀厚賞不顧地勢不念民  
力不惜國用力建東流之議當洪流中立馬頭設鉛  
齒稍芻料木耗費百倍力遇水勢使之東注陵虛駕

空非特行地上而已。增堤蓋防。惴惴恐決。澄沙淤泥。久益高仰。一旦決潰。又復北流。此非防之不固。亦理勢之必至也。昔禹之治水。不獨行其所無事。亦未嘗不因其變以導之。蓋河流混濁。泥沙相半。流行既久。逶迤淤澱。則久而必決者。勢不能變也。或北而東。或東而北。亦安可以人力制哉。爲今之策。正宜因其所向。寬立堤坊。約欄水勢。使不至大段湧流。若恐北流淤澱塘泊。亦祇宜因塘泊之岸。增設堤防。乃爲長策。風聞近日。又有議者。獻束流之計。不獨比年災傷。居

民流散公私匱竭百無一有事勢窘急固不可爲抑  
亦自高注下湍流奔猛潰決未久勢不可改設若興  
工公私徒耗殆非利民之舉實自困之道也政和四  
年都水使孟昌齡獻導河議言河自大伾山東而來  
直大伾山之西回而南復折北則又直大伾山之東  
曾不十餘里而地形水勢束迫相直若引使穿大伾  
東北二山分兩股而適合於下流因三山爲趾繫浮  
梁歲省費可數十百倍可寬河朔諸路之憂詔置提  
舉司董其事而巨深成詔自居山大伾山浮橋屬濟

川者賜名天成橋自太伾山至汝子山浮橋屬滑州者賜名榮光橋已改名聖功製橋銘磨崖刻之而蔡京建閣于三山橋名曰續禹繼文之閣門曰銘功之門已又以河清稱賀然方河之開也水流雖通而漏激猛暴遇山稍隘往往泛濫近若民夫多被漂溺因亦及通利軍其後遂注成巨濬至于大河浮橋歲一造舟京西之民猶憚其役而呂齡首建三山之策回大河之勢取其費僅爲數歲行路之觀漂泊生靈無慮萬計近輔郡縣蕭然破殘而父子相繼領職聚歛

金帛交結權要超附名位所辟官吏皆計金敎績富  
商大賈爭注名牒身不在公廷分爵賞每興一役乾  
沒無數至靖康雖罷黜而國已南矣史臣曰黃河自  
昔爲中國患大矣採厥本原則博望之說猶爲未也  
其源實始于吐番朶甘思西鄙曰星宿海其四山中  
有水百泓匯而爲海望之若星宿布列故名自此流  
東出曰赤賓河合諸水而流漸大爲九度河其水猶  
清淺可涉貫山中行出西戎之都合納憐河所謂細  
黃河也水流已濶繞崑崙之南折而東注合乞里馬

出河復統崑崙之北自貴德西寧之境至積石過臨  
洮合洮河東北流抵蘭州始入中國北繞朔方北地  
上郡而東經三受降城東勝折而南山龍門過河中  
抵潼關東出二門集津爲孟津過虎牢而後奔放平  
壤吞納小水以百數勢益雄放無崇山巨嶺以防閑  
之旁激奔潰不遵禹蹟故虎牢迤東距海口二三千  
里恒被其害至宋爲特甚始自滑臺太行常兩經泛  
濫尋以疏治復禹蹟不遠而一時姦臣建議必欲回  
之俾復故流竭天下之力以塞之屢塞屢決至南渡

而後貽其禍於金源氏。由不能順其就下之性以導之故也。况宋人無意于幽燕。而區區以一河以爲虜限。烏足道哉。元時河決屢告。輒加隄塞。至大德初。蒲口復決。乃命廉訪使尚文相度形勢。爲久利之策。文善河。自陳留抵睢東。西百有餘里。南岸水視田高六七尺。或四五尺。北岸故堤水視田高三四尺。或高下等大較南。高於北約八九尺。隄安得不壞。水安得不北也。蒲口今決千有餘步。東走歸德舊潰。行二百里。至歸德橫隄之下。復合正流。或疆遏之上。決下潰功。

不可成。揆今之計河北郡縣宜順水性築長隄以禦  
泛濫。歸德徐邳之民任所使避其衝突被害民戶量  
給河南退灘地以爲業。異時決他所亦如之。亦一時  
救患之良策也。滿口不塞。便帝從之。會河朔郡縣及  
山東憲部爭言不塞。則河北桑川盡化魚鰲之區。塞  
之便。帝復從之。是後滿口復決。障塞之役無歲無之。  
而水北入河。復故道。竟如文言。後至正初。河決白茅  
金堤等處。瀕河郡邑皆罹水患。水勢北侵安山。沿入  
會通運河。延袤濟南河間。將壞兩漕司鹽場。妨國計。



甚重省臣以問朝廷惠之遣使體量仍督大臣訪求  
治河方畧九年冬脫脫既復爲丞相慨然有志於事  
功論及河決卽言于帝請躬任其事帝嘉納之乃命  
集群臣議廷中而言人人殊唯都漕運使賈魯昌言  
必當治先是魯嘗循行被水郡邑具得修捍成策後  
又爲都水使者奉旨詣河上相視驗狀爲圖以二策  
進獻一議修築北隄以制橫潰其用功省二議疏塞  
並舉挽河使東行以復故道其功費數倍至是復以  
二策對脫脫適其後策議定乃薦魯于帝大稱旨於

是遣工部尚書成遵與大司農賈魯行視河議其疏  
塞之方以聞遵等自濟濮汴梁大名行數千里掘井  
以量地之高下測岸以究水之淺深博采輿論以謂  
河之故道斷不可復且曰山東連歉民不聊生若聚  
二十萬衆於此地恐他日之憂又有重於河患者時  
脫脫先入魯言及聞遵等議怒曰汝謂民將反邪自  
辰至酉論辯終莫決明日執政謂遵曰修河之役承  
相意已定且有人在任其責公勿多言幸爲兩可之議  
遵曰脫可斷議不可易遂出遵河間鹽運使詔開黃

河故道命魯以工部尚書充河防使發河南北兵民七十萬自黃陵岡南達白茅放於黃岡只口等又自黃陵西至楊青杜元二百八十有奇興功凡五閱月諸埽堤成河復故道招授魯集賢大學士賜脫脫世襲答剌罕之號特命翰林學士承旨歐陽玄製河平碑文以旌勞績玄既爲河平之碑又自以爲可馬遷班固記泝渠溝洫僅載治水之道不言其方便後世任斯事者無所效則乃從魯訪問方畧及詢過客賢吏牘作至河防記畧曰治河一也有疏有濬有塞

三者異焉。驪河之流因而導之。謂之䟽去河之淤。因而深之。謂之濬。抑河之暴因而扼之。謂之塞。䟽濬之別有四。曰生地。曰故道。曰河身。曰減水。河生地有直有紆。因直而鑿之。可就故道。故道有高有卑。高者平之以趨卑。高卑相就。則高不壅。卑不滯。慮夫壅生潰。滯生堙也。河身者。水雖通行。身有廣狹。狹難受水。水溢。俾故狹者以計闊之。廣難爲岸。岸善崩。故廣者以計禦之。減水河者。水放曠。則以制其狂。水驟突。則以殺其怒。治隄一也。有剗築。修築。補築之名。有剗水堤。

有截河隄有護岸隄有緩水隄有石船隄活埽一也  
有岸埽水埽有龍尾欄頭馬頭等埽其爲埽臺及推  
卷牽制難掛之法有用土用石用鐵用草用木用棧  
用組之方塞河一也有缺口有豁口有龍口缺口者  
已成川豁口者舊常爲水所豁水退則口下於隄水  
漲則溢出于口龍口者水之所會自新河入故道之  
濶也又魯嘗有言木工之功視土工之功爲難中流  
之功視河濱之功爲難決河口視中流又難北岸之  
功視南岸爲難用物之效草雖至柔柔能抑水水漬

之生泥泥與草并力重如硃然維持夾輔纜索之功  
實多蓋由魯習知河事故其功之所就如此先是河  
南北童謠云石人一隻眼挑動黃河天下反及魯治  
河果於黃陵岡得石人一眼而汝潁之妖寇乘時而  
起議者往往以謂天下之亂皆由賈魯治河之役勞  
民動衆之致殊不知元之所以亾者實繫於上下因  
循徂于宴安之習紀綱廢弛風俗偷薄其致亂之階  
非一朝一夕之故所由來久矣不此之察乃獨歸咎  
於是役是徒以成敗論事非通論也設使賈魯不與

古今治平畧

卷十四

卷十四

是殺天下之亂詎無從而起乎。

國朝治河

國朝 洪武中河決陽武東經開封城北五里又南  
行至項城經潁上東至壽州正陽鎮而全入于淮故  
道遂淤自是至 永樂歲爲決徙修築隄民用困弊  
至九年決益甚時議濬黃河故道工部侍郎張信言  
祥符縣中有舊黃河岸與今河面平宜可濬大發卒  
濬之而主事藺芳言今于中潁分導河流使復故道  
誠萬世利然新築護岸埽座用蒲絙泥草雖堅久宜  
編大本成固若欄圉然置之水以椿木錠其中實以



五、脚而橫木貫于椿表、牽築隄上、便從之河以分復、  
從故道、正統十三年、決張秋沙灣、東流入於海、又、  
決滎陽東、過開封之西、歷睢陽、自亳入於淮、景泰、  
中、決張秋、治久無功、遣都御史徐有貞治之、有貞、  
行汝濟踰嶺、及必循河道、濮范往來相度者久之、上、  
疏言、臣聞治水有三要在、知天時、地利、人事而已、蓋、  
河自雍而豫、出險卽夷、水執既肆、又由豫而兗、土疏、  
而水益橫流、於是決而奪、濟汶入海之路、以去諸水、  
從之、故隄潰渠淤、澇溢旱涸、此漕途之所由阻也、今、

欲驟堙之則潰者益潰淤者益淤請先疏其水水勢  
平乃治決決止多方建閘壩以時節宜無溢濶而後  
河可得而安時有撓其議者曰不能塞河令不爲患  
顧開之令爲患耶上遣中使卽問有貞出二壺一  
竅五竅者各一均注水而並瀉之五竅者先濶於是  
使者曉然知疏策之爲良也歸報命而議決於是  
貞作治水閘疏水渠渠起張秋金堤西南行九里至  
濮陽濬經博陵壽張沙河至東西影塘又沿李舉至  
蓮花池大渚渾乃踰范蠡濬又上而西數百里經澶

淵接河沁矣。有貞曰：河水過則害，微則利，乃節其過而導其微，趨於平。既成，賜渠名廣濟，閘名通源。凡河流之旁有不順者，堰之。堰有九，長袤皆至萬丈，架濤截流，欄水絡竹，實之石而鍵以鐵，曰合土、木、火、金、平、水、性也。又作放水閘於東昌龍灣，魏灣閘有八度，水盈過丈則洩，皆通古河以入海，上制其源，下放其流。既節且宜，用平水道云。當是時，蠲灝河民牧馬庸役，以專力河防役。丁夫五萬八千，又事不中制役，以有成。至弘治中，河決原武，支爲三，其一決封丘，金龍

口、湯祥符長垣而下趨張秋、衝衛通河而奔放於海、  
一出中牟下尉氏、一溢蘭陽儀封考城歸德至宿州、  
潞湯四出不可禁、議者至請遷河南行省避其害、布  
政使徐恪持不可而止、命戶侍郎白昂往治之、昂  
舉兵部郎婁性往協治、乃築陽武長隄防長秋中牟  
之決、以入淮、濟宿州古汴河以達泗、自小河西抵歸  
德、飲馬池、經符離而南、皆濟、令深廣又疏月河十餘  
以殺其勢、塞決口三十六、由是河入淮、汴入睢、睢入  
泗、泗入淮、以達海、而水患以寧、昂又以河南入淮、非

正道恐卒不能容乃復自魚臺歷德州至吳橋修古  
長堤又自東平北至興濟鑿小河十二道引水入大  
清河及古黃河以入海蓋東北分治而主疏七年河  
復決金龍潰張秋堤奪汶水以入海蓋東昌臨清流  
幾絕畢注於張秋當是時議者洶洶謂河不可復空  
復沿海遯而朝議弗是也命太監李興平江伯  
銳同都御史劉大夏督治之時河流湍悍甚決口闊  
九十餘丈大夏行視之曰是下流未可治治上流先  
導之南行且築長堤以防大名山東之患候河頗循

軌而後決可塞也於是發丁夫數萬濬賈魯舊河四十餘里由曹出徐以殺水濬孫家渡開新河七十餘里導使南行由中牟至潁以入淮又濬四府管濬河由陳留至歸德灑爲二一由宿遷一由亳渦會於淮於是沿張秋兩岸東西築臺立表貫索綱聯巨艦穴而窒之實以土至決口去窒沈艦壓以大婦合且復決隨決隨築連晝夜不息決旣塞繚以石堤隱如長虹輔以混柱森如列星又起河南胙城經滑長垣東明曹單諸縣下盡徐州作長堤亘三百六十里而漕

道復通役歷三時用軍民夫十二萬餘人鐵一萬九  
千斤有奇竹木新芻不可計於是張秋之決始塞  
賜名安平鎮而是時丘學士濬著論言周以前河之  
勢自西而東而北漢以後河之勢自西而北而東宋  
以後迄於今則自西而東而又之南矣河之所至害  
以隨之卽民患者烏可不隨其所在而除之哉禮曰  
四瀆視諸侯謂之瀆者獨也以其獨入於海故江河  
淮濟皆名以瀆焉今以一淮而受大黃河之全蓋合  
二瀆而爲一也曰宋以前河自入海尚能爲並河州

郡之害况今淮海合一而清口又合沁泗沂三水以  
同歸於淮也哉曩時河水積有渚如鉅野梁山等處  
猶有所分如屯氏赤河之類雖以元人排河入淮而  
東北入海之道猶微有存焉者今則以一淮而受衆  
水之歸而無涓滴之滲漏矣且我朝建國幽燕漕  
東南之粟以實京師必由博濟之境則河決不可  
使之東行一決而東則漕渠乾涸歲運不繼其害非  
獨在民生且移之國計矣今河南之境自滎陽原武  
由西迄東歷睢陽亳穎以迄於濠淮之境民之受害



而不聊生也甚矣。坐視而不顧與。則河患日大。民生日困。失今不理。則日甚一日。或至於生他變。設欲興工動衆。疏塞並舉。則又恐費用不貲。功必未成而坐成困蹇。然則爲今之計。奈何。古今治水者。要當以大禹爲法。禹之導河。既分一爲九。以分殺其洶湧之勢。復合九爲一。以廵合其奔放之衝。萬世治水之法。此其準則也。後世言治河者。莫備於賈讓之三策。然歷代所用者。不出其下策。而於上中二策。蓋罕用焉。往往違水之性。逆水之勢。而與水爭利。其欲行也強。而

塞之其欲止也強而通之惜微渺之費而忘其所損  
之大護已成之業而興夫難就之功損民力於無用  
糜民財於不貲苟顧目前惶恤其後非徒無利而反  
有以取其害因之以召禍亂亦或有之顧又不如聽  
其自然而不治之爲愈也愚以爲今日河勢與前代  
不同前代止治河今則兼治淮矣前代止欲除其害  
今則兼資其用矣烏可置之度外不講究其利害哉  
朱熹有曰禹之治水只是從低處下手下面之水盡  
殺則上面之水漸淺因朱氏之言而求大禹之故益

信賈讓上中二策爲可行。蓋今日河流所以泛濫爲害者。良以兩瀆之水。既合爲一。衆山之木。又併以歸。加以連年霖潦。歲歲增益。去冬之沮洳。未乾。嗣歲之潢潦。繼至。疏之則無所於歸。塞之則未易防。遇遂使平原滙爲巨浸。桑麻菽粟之場。變爲波浪魚鱉之區。可嘆也已。伊欲得上流之消洩。必先使下流之疏通。國家誠舊然。不惜棄地。不愛動民。舍小以成其大。棄少以就夫多。權度其得失之孰惡。乘除其利害之孰甚。教然必行。毋惑浮議。擇任心膂之臣。委以便安之

權俾其沿河流相地勢於其下流迤東之地擇其便利之所就其汙下之處條爲數河以分水勢又於所條支河之旁地堪種稻之處依江南法創爲圩田多作水門引水以資灌溉河旣分疏之後水勢自然消減然後從下流而上於河身之中去其淤沙或推而蕩滌之或挑而開通之使河身益深足以容水如是則中有所受不至溢山而河之波不及於陸下有所納不至束溢而河之委易達於海如是而又委任得人規制有法積以歲月因時制宜隨見長智則害漸

除而利日興。河南淮右之民。庶其有瘳乎。夫自開封以南。至於鳳陽膏腴之地。歲爲河淤沒。何止數十萬頃。今縱於遙東之地。開爲數河。所費者田多不過數萬頃。又皆濱海斥鹵之地。比較利害。孰爲多少。宜有以權此矣。學士張元禎亦言。今黃河以北多存舊身。若因開爲數支。以達平原。抵直沽。卽可引以灌溉。而殺其直奔安平之勢。然雨水未作。河流細小。卽引溉固無從也。正德中。胡尚書世寧言。今河自徑汴以來。南分二道。其一出柴澤。徑中牟。陳穎至壽州入淮。

其一出祥符經陳留睢毫至懷遠入淮其東南一道  
自歸德宿虹出遷其北分新舊五道一自長垣曹鄆  
出陽谷一自曹州雙河口出魚臺場場一自饒封出  
徐州小浮橋一出沛縣飛雲橋一出徐沛之間境山  
之北溜溝此六者皆入漕渠而南匯于淮今且淤塞  
矣止存沛縣一河勢合岸狹不得不溢所以豐沛徐  
州湧爲巨浸溢入沛北之昭陽湖以致運道壅淤漸  
成堙塞然壅淤積久勢必復決決而東南其禍猶小  
決而東北禍不可言故今治河當因故道而分其勢

也其陽谷魚臺二道勢近東北不可復開而汴西榮澤聞孫家渡決矣空常濬之以分上流之勢自汴東南原出懷遠宿遷小浮橋溜溝四道空擇其便利者開濬一道以分下流之勢或恐豐沛湧流久而北徙欲修武城以南廢堤至於沛縣之北廟道口以塞新決而防其北流此亦一計也至于運道止塞沛縣以三十餘里而不能遽開者以夏秋水溢流沙半壅控沙水中爲力甚難沙隨水積豈能成功今莫若于昭陽湖左睽沛魚臺之中別開一河南接留城北接沙

口闊五六八以通二舟之交冬月水結船止更加濬  
濶以爲運道此其上策不得已而思其次坊間國  
初漕運在淮達河由陽武起陸百有餘里至衛水入  
船轉運至京又開沁入至武陟縣紅荊口分流一道  
闊六十里通衛近年始淤是河流因沁可以達衛也  
宜遣官踏視或紅荊口或陽武上下開通一河北達  
衛水以備徐沛之塞此亦一計也且黃河距衛河不  
遠宜可濬使通而嘉靖初議者欲引河自蘭注宿  
遷殺其勢詹事霍韜與少詹事方獻夫私憂之以爲



水溢徐沛猶有徐呂二洪爲東捍而東北諸山連亘如列垣卽爲患猶有所抵極若引而注宿遷則鳳陽歸德皆平地孰不可復禁禦不若先疏運河沿昭陽湖畔築長堤張水門以蓄洩卽運道無阻也以問山東僉事江良材而良材具爲言通河於衛有三便古黃河自孟津至懷慶東北入於海今衛河自衛輝汲至臨清天津入於海則猶古黃河道也三代前黃河東北入海宇內全氣隨而鍾於雍冀齊魯之郊漢時河決頓丘遂漸南徙隋煬帝引河入汴引汴入淮至

宋熙寧而河遂南、宇內全氣因遂遷轉、唐無幽燕、六  
朝南宋偏安江左、而胡元遂統天下、亦氣幾使然也、  
我成祖皇帝定鼎、神京宇內全氣、又自南而  
北、張秋之決、殆天意、今莫若於河陰原武懷孟之間、  
審視地勢、導河使人衛、以達於臨清、天津不惟徐沛  
之患可息、而京師形勝所壯、百倍此、其爲便者一  
元、漕舟涉江入淮、至於封丘陸運、至淇門入於衛、達  
京師、今一導河注衛、冬春水平、漕由江入淮、折流至  
於河陰、順流達衛、夏秋水迅、仍由徐沛以達臨清、是

一舉而得兩運道也。此其爲便者二。又河西沃壤，若得人力盡闢而耕之，三邊軍餉可不漕而裕，而自臨清以北至京師，修其溝洫，擇良有司而任之，不惟可備旱潦，兼可擇戎馬。而河南北直隸郡縣轉贏瘠爲富強，夫水流行於地，猶血流行於人身也。血在人身，調理中節，其潤吾之毛髮，澤吾之體膚，皆血之能。或調理乖方，注於下爲痔漏，焦於上爲髮膚燥稿，而身爲之厄。今黃河自西域來，萬里注徐、滄而橫放，猶血注於下而痔漏也。今疏之達衛，循上運於支，體沿

河州郡䟽爲溝洫。旱灌潦泄。以興民利。猶血澤於皮。膚又自陝西沿邊修秦漢故迹。築爲邊牆。堰爲陂池。外捍衛而內灌溉。殺徐沛上流之勢。又功及全陝。猶血運於頭顱。而毛髮亦潤也。此其爲利者三。輶大然其畫具䟽上。而黃侍郎綰方赴召道經豐。徐見河災敗漕甚。則䟽言。臣嘗考堪輿家言。兩山相夾。中必有水。兩水夾流。中必有山。南條與中條相夾之水。長江是也。中條與北條相夾之水。黃河是也。兩山相夾。其間地勢必兩高中窪。水必繇焉。所謂水繇地中行是。

也。禹疏治河而八百年無患，水得其道而已矣。戰國開阡陌，廢溝洫，而平陸之土漸不可田，不免作渠以灌田。鑿河以通漕，作渠者必引水自高阜，方能跨原陸，以成其利。通漕者必從旁穿決，方能灌河渠以足其用。况砥柱而下，多衝擊兩岸而行，岸善崩而淤泥下，積河流上，高於是爲隄防以障之。今洛陽河堤，卽高於汴城，豈一朝一夕之故哉？今豐沛、徐淮陰雨連旬，千里爲沼，室廬穀土皆爲洪波。國家侯禰之地，至於此極，不疏導別行，害無已時，而疏治之，非順其性

不可夫川瀆有常流、地形有定體、非得其自然、不足以順其性、必於兗冀間、卽中條北條交合之處、尋自然兩高中下之形、浚使北流、由直沽入海、厥水由地中行、可永免河下諸路生民墊溺之患、每歲河防夫役之苦、雖不求禹跡而固禹之迹也、智之大者也、若泛聽典籍人言、必求禹迹、恐積淤日久、反成高陸、而禹迹終不可得矣、或謂黃河雖爲豐沛患、亦爲漕利、不知漕河發源皆自山東、不資於河南、旺馬腸樊村、安山諸湖、但封浚泉源、修築堤岸、疏湖中積沙、以深

黃湖水則湖外長溝馬房南至釣兒口北至安山固  
古所謂巨野宋所謂梁山泊也地形窪下較湖水低  
甚改漕河經焉可免濟寧高原淺徙之艱則漕亦何  
賴於河哉下部詳議而河道總督盛應期言空于昭  
陽湖左別開新河北起姜家口南至留城一百四十  
餘里以通漕其說與世寧合工部尚書童瑞履議從  
之乃集夫役分標開鑿已而言者嘖嘖謂其功必不  
可成徒靡財勞民上怒奪應期官歸田里而新河  
之議遂寢其後都御史劉天和議以爲河水來則激

朕至必衝決退乃填淤引河而漕議者比之引狼入室以除內寇誠切喻也故先朝名臣經理河道寧其楮沒不敢引河且于河岸築堤捲埽歲費以數萬計誠防河北徙故也惟汶泉之流遇旱則涸漕水諸湖以淤而決引河之議或亦慮此然國計所係當圖萬全無已吾寧引沁之爲愈耳蓋勞費正等而限以斗門漕則縱之俾南入河旱則約之俾東入運易于節制之爲萬全也事須後益嘉靖初河決魚臺谷亭決單縣至十三年而廟道口淤役丁夫十四萬三千九



百人濬之四閘月始成而河忽由趙皮寨向亳渦奔  
河口而谷亭之流遂絕秋冬忽復決河南夏邑開數  
口東北流經蕭縣入徐下三洪而趙皮寨之決俄塞  
嗣是歲有決溢而所由無常迨季年而蕭碭徐邳之  
間漂城郭人民爲菑也劇甚決而南鳳陽泗州迫  
皇祖陵地接歸德虞城適河汴下流之衝爲天下根  
本抑而北會通漕渠又天下咽喉引而東則淮河交  
注宿遷清河很受其下流爲墊溢無極至四十五年  
河塞新集而南流阻再塞龐家屯而全河北徙不可

漕于是都御史朱衡以工部尚書屬治河。衡躬相度訪應期故迹。因䟽言古之治河。惟欲避害。今之治河。又欲資其利。幸今河直秦溝。可因其勢而利導之。開新河以漕。而廷議以爲河湍澤以秦溝。兼數河之任。恐不溢而北。卽溢而東。又抵極而反於西南。是以沛與魚臺爲壑也。幸故道減未久。空可濬而從上原開支河以殺水。便新河三難不可爲也。下復議於是。衡復上議言。河固悍難暴泄。然使不直境山而北出。將一聽沙淤之所爲。卽出徐州南而二洪益壯。亟爲

敗今幸出秦溝直境山南五里所雖兼受數河之任猶爲有束隘而河流得益駛疾此爲國家於河不治而已得其大卽夏秋水猥盛極反亦不能出新河西堤外而昭陽湖受之水得游蕩休焉獨何言爲壑也今欲開支河起新集至兩河口無論湧無河形者二百五十餘里創作深廣難卽有河形如郭賁樓至龍溝減未久稱易淤者亦以盡淤先臣所謂撮沙如聚米挑淤如畫脂者也且河之所舍誰能強之不如因河所欲注開之今決河深川之文而增卑培薄事

西堤以固魚沛便於是新河就而西堤亦成隆慶  
二年總河翁大立言新河勝舊河者其利有五地形  
稍仰、黃河難衝一也、津泉安流無事隄防二也、舊河  
陡峻今皆無之三也、泉地既虛黍稷可藝四也、舟楫  
便利不煩牽挽五也、夫漕河固資泉水而地形東高  
西下、非有湖爲之積滯則涸故漕以東皆有水櫃、非  
有湖爲之宣洩則潰故漕以西皆有水壑、此先臣宋  
禮之計畫、蓋殫悉獨到者、今新河實師其意、遇黃流  
逆奔、則以昭陽湖爲散衍之區、遇山水東突、則以南

陽湖爲瀦蓄之地、慮不可謂不周矣、然水有歸壑、堤始無虞、室大興、人卒由回、回墓一帶、開通以達于鴻溝、令谷亭湖陵之水、皆入昭陽、又引昭陽沿鴻溝、以出晉城、其湖地退灘者、盡上腴之田、按之可得千頃、令民得種藝、其中計畝出賦、以供河渠之費、計無便于此者、從之、明年河水溢、自清河抵淮安城、西淤塞三十餘里、決方許二壩、出海平地、水深丈餘、實應湖堤、往往崩潰、山東莒州、郯城諸處、皆溢、從直河入邳州、溺死人民無算、大立乃繪圖以獻、且言權宏之計、

在棄故道而就新衝經久之策在開加河以避洪  
廷議爲自往者劉大夏設官布夫而河南之患息近  
日改成新河而豐沛之害平非必河自順軌由人力  
勝也今旣不能引他水以濟漕而新衝之渠卒未可  
就惟築決口如曩時房村方畧則故道空可通至如  
加口之議雖工費不貲而一勞永逸比歲䟽鑿費亦  
自省于是復以衝往蒞之衝言自景泰間奪河爲  
漕而今徐邳之漕河卽黃河也往河趨濟博則決曹  
單魚沛而沽頭上下諸關盡廢後趨邳遷則決野鷄

岡口下亳泗而徐呂二洪頓涸今新河雖築而茶城以南猶屬黃河非盡斥遠之無以善後宐將議者開加口之說下廷臣詳議報可萬曆初河決崔鎮奪淮入海淮水不敵遂決高家堰于是河淮分決流沙淤溢雲梯關入海之路大阻淮安陽諸郡悉爲巨浸議者洵洵爲諸決口當毋塞開支河以殺水而主濬海口以通之督漕右都御史潘季馴行相視議以爲海口固潮汐之所從往來也隨濬隨淤何可濬惟導河歸之海則以水治水導河卽以濬海也然河未易

以人力導、惟善固隄防、使無旁決、水入地益深、則治坊卽以導河也、令河決上流固、空疏令下流決也、欲疾赴海而害祛、豈必疏哉、復岐分之、卽水力益弱、空入海之滋不利也、於是申平江伯故畫築壩起武家墩、經大小澗、至阜寧湖、以捍淮東、侵築堤起清江浦、沿鉢池山、柳浦灣、迤東、以制河南、溢慮河內衝開而獨漕也、嚴五壩起、閉獨以待漕艘、鮮船如法、故官民船並盤壩、禁於閘者、於是自徐抵淮、亘六百餘里、皆畚填土膠泥、築南北兩堤、蜿蜒相望、如長山來峙、以



束水諸縷堤迫河者畢展築兩崖地窪下者各增築  
原堤短處防護未周者連接築培薄增高譬重門以  
待暴增續以禦寒卽有異常泛濫之水縷隄不支至  
遙隄而極隄蓄豬者寬勢固不能潰而出也於是淮  
必趨清口會大河入於海海口不濬而深通然堤堰  
雖堅而疏濬無法以致流沙日壅清口日淤泗陵  
水患實基於此十四年河決范口十五年決祥符劉  
獸醫口決蘭陽銅瓦廂決封丘原武長垣之太社集  
毛家口茶城又報淤矣十六年諸決口皆已塞淤者

漸疏通十七年復決雙溝單家口於是專議築趙皮寨至李景高口遙隄將軍廟至塔山長隄築羊山至土山橫隄河防幸無事二十一年河復大爲患決汶上決魚臺決濟寧決鉅野決邳州宿遷高郵泛漲泗州幾成魚鱉之鄉祖陵松柏槁於水者過半巡按御史牛應元上其狀

神宗赫怒易河臣遣科臣

荒度之迄冬水涸時河臣力主分黃開桃源縣之黃家壩三十里下五巷口入海漕臣褚鈇按臣牛應元議廣疏入海之途盡開清口之沙以導淮正流上開

周家橋下通金家灣以洩淮積浮因無事過爲分黃者而河臣必欲分之也乃黃不之所分之路而之黃

數十萬金錢枉置烏有矣未幾晉大司空假手伏事者挑三山台趙家閘旋即告阻而徐邳之流幾斷

致屢易河臣終以大心效順而河雖薦小警無大變

云嘗試考之天下山川之大者在乎南北兩戒河源

自北紀之首循雍州北徼達華陰與地絡相會並行

而西至太行之曲分而西流與涇渭濟相表裏爲北

河江源自南紀之首循梁州南徼達華陽與地絡相

會並行而東、及荆山之陽、分而東流、與淮漢相表裏、  
爲南河、頤江在中國右、爲陰、性深廣而泗、潯故江、永  
漢、廣兼滙、澤湖湘之潏、而善容、雖碁險不爲敗、河在  
中國左、陽而性勁、又北地土堂水、泉少、至行數千里、  
不得井、故河當水落、伏槽時行萬千餘里之水、其河  
身僅與東南川江數百里之水等、其淺者可涉、曾不  
足爲害、而秋水時至、百川灌輸、挾六七月之滌、潦盡  
天下西北大半之水、並入河、助爲勢、故湍悍迅猛、旁  
激直漬、湯漶于平土而不可制、且其自昆侖入中國、

凡九千餘里而經大折者有四其初由積石而逕湟  
中則鄯關也一折也及至靈州西南逆轉北而行凡  
千餘里河西北岸卽爲涼沙甘肅四郡又一折也迨  
其北流千里而遙至九原豐州則又轉而東流故豐  
州北面正柱大河又一折也豐州之東爲榆林境舊  
抵大河而河從此州之東又轉而南故州東北皆抵  
大河自北以往直至潼關皆南河矣此又一折也其  
來也旣遠其注也必怒其行也數折其歸也愈悍而  
自孟津而下無高山石嶺以障之無洞庭彭蠡以蓄

之則其衝溢震蕩任性而往也。固其所哉。當時禹惟  
悉此故導河自積石歷龍門南至華陰東下底柱及  
孟津洛汭至于大伾而下遂灑爲二渠北則至于大  
陸播爲九河趨碣石以入于海。流道旣廣其勢自平。  
故自禹之後無水患者七百七十餘年。況是時阡陌  
之制未興溝洫之法具在。凡中原之地無非受水之  
地。凡中原之民無非治水之人。河亦安自而橫流哉。  
及周定王時河徙矜磧始改其故道。九河之跡漸至  
湮塞。至漢文時決酸棗東潰金隄。武帝時決瓠子東

南注鉅野通于淮泗。泛郡十六。害及梁楚。此無他河之流不分。而其勢益橫故也。逮平宣房之築。導河北行。二渠復禹舊蹟。其後又疏爲屯氏諸河。河且入于千乘。德棣之河復櫛爲入漢。人指以爲太史馬頰河者。是其委多。而河之大有所泄。力有所分。而後八十年。又無水患。至成帝時。屯氏河塞。又決于館陶及東都金堤之流。兗豫入平原。千乘。濟南。凡灌四郡。三十二縣。以迄于東漢永平。使王景修築隄防。自榮東至千乘海口。千餘里。鑿山破砥嵒。溝疏壅塞。令更相洄注。

繇是至唐不爲患者千百餘年。或者遂以爲王景隄防之力是大不然。使無屯氏及德棣諸河之大。以瀉其勢。而分其力。景徒以罪丈之防。而捍之。是猶以螳臂而當大車之奔也。豈可得哉。由是言之。河之分不分。其利害昭然可睹矣。然始猶東北以入于海。未入淮也。河之入淮。自漢徒頓丘。隋煬之引汴。始宋熙寧澶淵之決。實濫觴焉。南渡之後。遂繇彭城合汴泗東南以入淮。而漢之故道又失。夫以數千里湍悍難制之河。而欲使一淮以殺其怒勢。萬萬無此理也。迄我



國朝且全入于淮矣。一自蘭陽東南流。縣杞縣睢州寧陵歸德符離橋宿遷小河口入。一自寧陵南入渦經亳州蒙城懷遠。山口入。一自儀封北折。經黃陵岡蔡家口梁靖口出徐州小浮橋清河縣入此河之三道也。善乎宋學士濂有言曰。河流合則勢悍。分則力弱。辟猶百人爲一隊。則其力全。莫敢與之爭鋒。若以百分而爲十。則頓損。又以十各分爲一。則全屈矣。空浚舊淮河。使其水南流。復于故道。然後分其半。使之北流。以殺其力。則河之患可平。嗚呼。是卽賈讓之

上策遺意哉。雖然昔之河決其患止于河。而今旦移之漕矣。是昔爲四肢之患。而今爲咽喉之病。故古之河患小而今之河患大也。惟資河以漕。今河適北與衛河合入于海。則又憂漕必隄使南而後安。則漕安而河勢又愈激不可制。故古之治河者易。而今之治河者難也。然則河終不可治乎。不知河之所爲衝潰四出而莫禁者。河之未有所歸也。河之未有所歸者。下流溢而無所受也。彼徒濬上流而不疏其下流。疏下流而不竟其所歸。此猶治病不循其本而徒執其

標吾未覩其效也。何者？河形亢亢，則難制；淮形卑卑，則必害。勢固然也。而所恃以分其勢者，僅止于草澤一口，則何怪其衝潰四出而莫之禁哉？今議者非不言治下流，然自淮而止矣。以河之大，且迅而淮受之，宐其勢有弗容者，竊謂自淮以外，視其勢之所決，而可以別爲支流者，宐因而濬之，使其流既分，則勢益殺。而河當漸寧。雖捐尺寸之地，以予河，可毋惜也。然河流分矣，而海口不治，則淮必且通，且汙而河患未可終彌。譬之人身，海猶腹也，淮猶胃也。卽有八珍之

美止于胃而不達于腹必且朝食而夕病故治漕者  
當治之河而後運道不致于見奪治河者當治之淮  
而後河流不致于肆溢治淮者當治之海口而後河  
流之分者不致于中梗而有所歸則下流通上流不  
制而自平支流廣正流不遏而自殺廢幾昔者先冀  
究而後梁雍之意乎然或者爲漕固以汶而不以河  
河可使北而復于故道雖禹之九河不可復考而千  
乘德棣之間漢人指爲太史馬頰河者尚未泯可尋  
倘可縷析而分注之使反于故道由漢之千乘以入

海則將大有所泄而力有所分。非若一淮之小而扼其勢。使之橫潰爲民害也。洎河北則汶自彭城以下必微微則可以制而用之。以漕以溉無不可者。是則百年無患之長策哉。固今世之所大諱者。然則亦惟固隄。歸而勤巡視。謹修買。魯之三策而已矣。

孫愷陽論曰。漕河如身。然河南之蘭陽而上爲肩。山東之單縣而下爲腹。夏鎮而南爲股。河決蘭陽經東長濫。曹濮則橫截。張秋而肩背潰決。單縣則橫截。穀亭沽頭入之。昭陽湖而胸腹潰。

決夏鎮之蘇莊而東西鎮口遂爲河奪而股脛潰故劉公大夏治其上法在以河避運於是塞黃陵岡以保安平之功朱公衡治其中法在以運避河於是開南陽河以安徐沛之流近者開加之役稍倣南陽然南陽之役遇黃河之入沛者歸秦溝而䟽支河殺薛沙二水之勢由斯以談欲全泐河而朱旺口之大桃何可緩也獨是首事之時未有不列爲必然之畫而功成之日輒不能無意外之虞則以南虞陵北虞運以

奔騰澎湃之勢而東廡碣百里之間主籌者見  
未必盡真借筋者謀或不盡効又況中外異勢  
南北異心大小異任功罪異調則豈必操畚揭  
懸圭臬之或錯也學書者紙費學醫者人費奈  
何始則假學制之錦望其成終則顛已破之甌  
迫其敗且工雖主於事中議或懸於局外議從  
旁出者既敗可以允大罰議從獨立者雖成可  
以生後毀豈不瞬舳舨而談利鈍足不履撻撻  
而議通塞蓋斷之於獨啓後日之衆口不若徇

之於衆昭今日之貪謀也且地聯二省議或參  
商總河者欲聯爲一體而守土者或分爲二支  
故議相反輒明害其成心相忌又樂觀其敗欲  
釋負於此則甘心於壑鄰欲嫁禍於彼則籍詞  
於築舍且上潰而下方汙堤坊之責也而或譏  
之下下淤而上方潰黷濫之責也而或譏之上  
獨議之則各諉其責而偏護其短并勸之則兩  
執其咎而通省其罰其成則碧盧油幕居其功  
其敗則黃綬斗食當其罪監司譏之倖令簿尉



今○治○事○  
諉○之○編○丁○甚○之○已○告○決○而○尚○奏○其○成○方○告○成○而○  
旋○聞○其○潰○總○之○治○朝○冬○明○作○之○功○季○世○半○姑○息○  
之○政○然○則○設○專○局○以○久○任○爲○通○遷○以○責○成○省○議○  
論○以○寬○中○制○之○權○嚴○賞○罰○以○核○功○罪○之○實○烏○得○  
泄○泄○乎○然○防○軸○之○折○而○更○載○軸○速○其○折○也○見○徑○  
之○塞○而○不○別○啓○徑○益○其○塞○也○舊○有○膠○萊○之○議○近○  
有○沁○衛○之○議○雖○其○說○如○建○屋○者○之○爲○半○料○而○前○  
人○已○言○之○而○已○試○之○豈○其○白○瑛○之○說○以○人○廢○乎○  
文○皇○帝○雖○能○海○運○而○遠○洋○獨○不○廢○且○不○以○入○北○

軍而屬之南兵也。然則神謨聖慮未嘗廢  
運。而主計者又烏得不還思也。

張雨若曰：自禹別九河，殷五遷，復歸於亳，以避  
之。周之決者一耳。齊桓申命，不曰無曲防乎？周  
制也。亦齊意也。蓋各自爲備以防之。漢武郭子  
而後，雖王延世、李尋、賈讓、王景輩爲法不同，要  
歸於塞而堤之。唐亦決者數矣，治法無聞焉。尋  
置河口轉塲，蓋因其勢而委之。宋決已甚，司馬  
光導使東流。王安石又欲收兩河之利，而呂大

防文彥博亦思憑河以爲阻故與之角而爭之  
至元則引河爲漕而用之矣夫三代而上禹功  
懋矣乃殷獨憊于周者非偶致也九年昏墊八  
年胼胝自可保千年無事而安邑鎬洛各據上  
游河在東方委諸建國小患小費不煩王朝亦  
各共勢耳商之與河鄰也乃其所以困也然而  
疏圻之利遠也三代而下漢費侈矣乃唐獨省  
於宋者非幸成也管仲塞九爲一白圭壅水空  
鄰戰國列侯務盡地力千載淹淤待時崩潰

始承之物力既富、講求未精、宋都河南、恃以塹  
虜北行則失天險、南行則洩王氣、東行則資灌  
漑、務奪地勢以就人謀、亦各其時耳、唐之不復  
塞也、所以不復決也、然而勞逸之形殊也、大都  
太上務疏、其次務委、其次務防、至於不得已而  
避之、而塞之、而爭之、爲無策矣、今之漕畧與元  
同、而今之河更與元異、合堯舜以來未有之患、  
而不察堯舜以來相沿之法、收勝國以後挽漕  
之便、而不鑒勝國以前瓦解之憂、謀事者得無

疎耶說者曰河害漕也夫借河爲漕斯漕承河  
患耳黃陵岡旣築則張秋以北無河矣泃河旣  
開則茶城以南無河矣軸轆百萬皆浮汶泗安  
所藉而承其敝此可無議也又曰河妨陵也  
夫少室以東乘高而下伏行千里頓起汶泗蓋  
必有石脈焉高則氣浮下則氣沉卽有衝決如  
汗液之布於膚外而况水之所聚卽氣之所鍾  
又形家秘說也祖壠鬱盤雄視淮泗何至而  
過慮哉此可無議也又曰今田滄瀛之間可得

穀無筭。漕可省。河可治矣。夫田而穀則可。因之  
廢漕則不可。東南漕輸。非止足用。亦平物力。今  
一旦廢之。必舍本色。徵折色。金錢益貴。米粟益  
賤。而田又不可得也。是間閭棄本業也。向者開  
荒至借市於民以充數。而別輸其賦。一歲再歲。  
客去賦亡。日歸民矣。且田有易鹵。民須召募。此  
又可無議也。又曰。海運之難。難於白達頭耳。今  
開膠萊河。可損前患。此欲棄漕并棄河也。然漕  
廢而河不害。則可。漕廢而河患如故。治河亦如

故是兩費也。而膠萊又未易開也。斷地脈犯潮  
汐。傾之風濤引之。皆難預斷也。况舍二百年之  
人謀。盡二百年之經費。一舉棄之。而謀其新乎。  
此又可無議也。又曰。由鄭可以達河。由沁可以  
達衛。衛鄭通而河不與焉。夫前此治漕。惟是不  
復用河耳。一引於濟。張秋漲矣。一引於徐。茶城  
竭矣。與其通鄭。何必不徐。與其通衛。何必不濟。  
迂道千里。交承其害。謝涇渭之安流。而就岐回  
之狂注。不過五年。保必敗矣。非完策也。又可無

議也。夫前之說二爲漕也爲陵也。固爲河地。時以爲害而愚以爲不害。何也。若舟已移而刻之不止。後之說三皆爲漕也。亦爲河也。爲陵也。時以爲利而愚以爲不利。何也。若病少瘥而藥之不置。雖然。謂漕不因河可求。河不侵漕得乎。謂河不妨陵可求。人不藉口得乎。謂河故其來也必務分之。以殺其勢。其去也必務防之。以遏其衝。其分也必復防之。以當難返之流。其防也必復分之。以消浸淫之漸。河藏於不竭之



淵人疲於奔命之府。於是而財力殫矣。然則當事者何可不爲變通計哉。一曰議分黃。謂分得其術。然後防可固也。禹跡以來。河分南北久矣。青徐兗冀寥濶千里。震蕩衝突。惟力所及。僅而容之。今蒙牆以東。徐州以西。行堤以南。靈璧以北。三百里而近。不勝決也。不勝淤也。三堤相望。歸出荒原。滿目鏤雕。半無完土。卽欲分疏。正如甕中蠶水耳。黃陵岡不可開也。所謂導沁通衛者。獨不可引黃北流。使分南方之牛。蘇久魚之。

民乎。衡水自臨清而上。土脈堅厚。地形駛疾。用力少而成功多。亦一奇也。蓋水在天地間。亦有定數。均其害則均其利。可以一二數也。一曰省工費。調疲民以治之。不若利民以委之也。挑塞以來。歲無寧日。朱旺口之役。用工二十萬。其檄下郡縣者。也。持樸棗糧肩金荷鉅。亦將稱是。淮徐豐單草木盡埽。樵蘇斷絕。烟火僅屬。言之可爲酸鼻。費緡八十萬。其可聞司農者也。官吏之費。道路之費。畚鍤之費。樁埽之費。檣車之費。亦

將倍是河之所及。既以河嚙之河之所不及。又以治河嚙之。變窟宅爲波濤者。十之二。消膏血爲堤防者。十之八。養由基雖善射乎。亦務息哉。竊恐其易潰決爲土崩也。苟無大害。曷緩之而俟其定。一曰重責成。謂固防在人。不若人自爲防也。向者河上之役。分治而無恙。總治而愈困。豈專其責者。益其事哉。蓋分則各守其土。而人無僥倖之心。合則獨擅其成。而計伸必然之責。凡濱河而邑者。能高其選乎。令異日皆可總河。

焉而況以數千里之地第責其防護而已分水  
之後堤壩完固加以精勤不爲掣制其何難焉  
一曰省議論謂空言無當不若攝歸實用也神  
禹智矣而不保商殷之決堯舜聖矣而不參荒  
度之謀夫大成而小敗寬之可也甲得而乙失  
準之可也先利而後害修緝之可也彼皆可謂  
智計士也合千萬人之謀歲月之積而欲以一  
言斷之立談之間使其中道而移故慮誠不知  
其解也夫分黃之議法乎疏上也工費之省法

乎委中也、責成之重、法乎防下也、上之不敢用、中之不肯用、下而用之、可以濟中之不逮、而不能盡其用、至議論滋熾、則爲道旁築室、而無一可用者矣、斯又古今之通患也、

案、汾河旣避黃河之險、又資泉湖之利、第經營之始、或因渠而溝、或就陸而穿、塹山剗石、引泗合沂、流爲大川、以通輓運、當

穆宗朝、都御

史翁大立、倡議開之、差勘而寢、嗣後尚書朱衡、都御史萬恭、會勘未決、至萬曆三年、都給事

侯于趙都御史傅希摯巡漕御史劉光國勘議  
費奢亦不果迺年汶泗泛溢魚滕沛徐之郊堤  
潰運阻二十一年總河舒應龍題准挑韓莊  
中心溝鑿礮避石通彭河水道以入黃而泇口  
始開其後二十五年河決黃埝二洪告涸糧運  
淺阻總河劉東星尋韓莊故道鑿良城侯遷莊  
及挑萬莊由黃泥灣至宿遷董家溝以試行運  
而泇脉始通至三十年河決沛縣大堤繇昭陽  
湖穿夏鎮橫衝運道三十二年總河李化龍以

黃失故道、運不可恃、將尋舒劉舊績而都水司  
主事梅守相爲陳、泃河利運狀於是題、請開  
泃河疏言曰、河自開歸而下、合運入海、其路有  
三、繇蘭陽道考城至李吉口、過堅城、集入六座  
樓、出茶城而向徐邳、是名濁河、爲中路、繇漕單  
經豐沛、出飛雲橋、泛昭陽湖、入龍塘、出秦溝、而  
向徐邳、是名銀河、爲北路、繇潘家口過司家道  
口、至何家堤、經待離、道雖寧入宿遷、出小河口  
入運、是名待離河、爲南路、此三路者、近代以來

河所通行之道也。較而言之，南路雖近，陵麓有隋隄障其上有九岡十八窪，隔其中有歸仁隄護其下於陵無害也。第其北扼於山南近於淮，儻下流淤塞，不逆流而上，則潰隄而南，是皆能亂淮。亂淮則久之而淮亦淤，淮淤而沮洳之患上及陵園矣。且全河下宿遷徐邳運道不免告涸，則南路者利不勝害者也。北路雖近，運然太行隄足障驚濤，徐呂洪足束亂流，且汶泗有接漕艘之利也。第其下流往往潰隄潰



而魚沛之間城郭夷。緯路壞不直。殃民亦且梗。運則北路者利害正等者也。惟中路則不南不北。既遠於陵。亦濟于運。有利無害。稱全善焉。惟是泃河之役。向來數議。竟成畫餅。談者恐以爲疑。乃臣則以爲其善有六。而其不必疑有二。今之稱治河難者。謂往代止避其害。今且兼資其利。故河繇宿遷入運。則徐邳涸而無以載舟。是以無水難也。河由豐沛入運。則漕堤壞而無以過緯。是以有水難也。泃河開而運不借河有。

水無水第任之耳。疏濬排決皆無庸矣。善一黃河者運河之賊也。用之一里則有一里之害。避之一里則有一里之利。以二百六十里之漕河避三百三十里之黃河。二洪自險。鎮口自淤。不相關也。善二運借河則河爲政。河爲政則河得以用。我當不憚勞費而治之。運不借河我爲政。我爲政則我得以和河。當熟察機宜而治之。善三先年估全工以三百九十萬。估半工以二百六十萬。卽朱尚書開新河百四十里。費亦以四

十萬也。今直以二十萬開二百六十里。比之全  
工則二十之一。比之半工則十之一。比之新河  
亦事半而功倍者也。善四江之北山之東。患水  
極矣。召募行而富民不苦於賠。窮民且得以養  
春荒而役興。麥熟而人散。以仲淹之隄。湖代汲  
黯之發倉。善五糧艘過洪。約在春盡。蓋畏河漲  
之爲害耳。運入泃河而安流逆浪。蚤暮無妨。過  
洪之禁可弛。祭罰之累可免。卽運軍不至以起  
紓失事所全多矣。善六運不借河則河防遂疏。

恐遂恣橫流而沼鳳泗也。奈何。夫開封歸德上  
下千里。未聞濟運。未聞不治河也。彼直爲民禦  
災而若此矣。何況乎爲陵捍患無疑者。一徐  
州天下咽喉處也。柰何一日而令其索寞荒涼。  
安所稱重地乎。夫太王遷岐。盤庚遷亳。第審利  
害。安問重輕。且徐沼於河。直須時耳。徐民安土  
重遷。聞沭河之役。且刺心隱痛。曰。奪其利也。沭  
河開而徐城之貿遷。化居者必且移之。沭口必  
且移之。沿河上下。卽土著者利所不在。必且擇

高土而居之。此爲曲突徙薪於徐無疑者二故。加河之開無俟再計而知其可行者也。又題

河自去年決蘇家莊入昭陽湖穿夏鎮以南之溝渠壞南陽以下之運隄而魚濟一帶且震於鄰。此其不可不治也。明矣。故臣議開加不已。復議保隄。保隄不已。仍議分黃。蓋謂併力於隄則隄一決而全河北勢恐至於穿漕。兼以分黃則隄縱決而水已分。自不至於害運。蓋臣之分黃祛民災也。亦以保運道也。比新河放水旬日之

間衝刷倍於原挑分水已及下分臣計河勢已成因而塞之使全河南行則不直南陽之漕隄可治卽李家口之運道可清蓋臣之塞決祛民災也亦以保運道也又題向來運道必由徐邳以達鎮口河一北決曹單豐沛之間則總由昭陽湖出李家口而運苦水溢河一南決虞夏徐邳之間則總歸小河口及白洋河而運苦水涸今新河一成則自直口至夏鎮以外河三百六十里之迂途易爲內河二百六十里之捷徑

此後黃河在山東直隸其能係運道命脈者寡矣。然自朱旺口以上萬一決單則單城爲沼決曹則曹民爲魚下而豐沛徐邳魚陽各城數十萬生靈皆懸命於一線之隄。則隄防亦何可弛也。然此數城者直有關於民命耳。至於中州河防所關更重。又不獨在民災已者。荆隆口銅瓦廂等處皆入張秋之路也。孫家渡口野鷄岡及蒙牆寺等處皆入淮之路也。儻一不守北必壞運南且傷。陵則隄之所係豈值一城一邑之

利害已哉。防守不固，則下流雖通，上流必奪。防  
守固，則上無旁溢，下必順流。柰何持議者之紛  
紛也。去年水行隄北，則曰昭陽湖不能容水。水  
且倒灌矣。今年分行隄南，則曰新河不能容水。  
水且倒灌矣。自倒灌之議興，而築塞之事緩。卒  
至事久變生，隄潰河淤。然水之取道昭陽湖而  
南者，自如亦未見其倒灌也。則又何不取地勢  
觀之也。臣觀自朱旺口由苑家樓、杜家樓以至  
小浮橋，其地在下流者，比之上流，低可三四尺。



臣向止以樹上水痕驗之耳、乃近日南北兩河水落之後、其下流皆通黃河、水面相平、乃北河水不浮舟、而南河舟行如故、則北高南下、居可知矣、夫北河非高於上流、而南河更低於北河、若水入新河、兩河分流、總使伏秋水漲、不過溢岸以行、豈能自卑而趨高、自下而返上哉、蓋卽今年下流決而上源無恙、亦自可知、又何倒灌之足患也、臣又查得水落之後、朱旺口以上河水皆離岸五六尺、卽向來伏秋水漲、溢岸而及

隄根者不過時消時長未有數日拍岸者比之  
單豐行隄以一線百里爲全河之岸者原自不  
阿則上源之隄更爲易守抑不直此也自朱旺  
口下至黃莊無南隄者五里遇漲則分流可徑  
達許家口入徐矣自朱旺口上至黃堎壩東無  
南隄者十五里遇漲則分流可徑達礪山城南  
繇楊家樓入徐矣自黃堎壩西至王所樓無南  
隄者十里遇漲則分流可徑達司家道口至浮  
離橋矣故上隄誠守則河必在朱旺口上下亦

其○自○然○之○勢○也○又○何○倒○灌○之○足○患○也○故○前○人○之○  
治○河○屢○矣○前○人○之○修○隄○備○矣○今○第○有○相○率○守○之○  
耳○西○自○開○歸○東○至○徐○邳○必○無○不○守○之○地○上○自○司○  
道○下○至○府○縣○必○無○不○守○之○人○在○府○縣○掌○印○官○必○  
與○管○河○佐○貳○同○其○賞○罰○在○地○方○守○巡○道○必○與○管○  
河○司○道○同○其○功○罪○庶○幾○人○人○着○肩○自○不○暇○於○騰○  
口○說○矣○蓋○其○議○起○自○夏○鎮○訖○於○直○口○綿○亘○二○百○  
六○十○餘○里○避○黃○河○險○者○三○百○餘○里○其○間○改○李○家○  
巷○以○避○河○淤○開○王○市○田○家○口○以○遠○湖○險○中○鑿○鄒○

山以展河渠、建良城臺、莊侯遷頓莊丁廟、萬莊、  
張莊、德勝等閘、以節宣水利、費僅二十萬計、而、  
洧之運始行、總河曹時聘復建壩、遏沙、修堤、渡、  
緯、置郵驛、設兵巡、增河官、立公署、而洧爲坦途、  
總河劉忠復慮其易淤、議以每歲三月開洧、以、  
行運、九月閉之、以修濬、閘呂壩令回空、繇黃、於、  
是洧黃並用、云議洧之初度費以百五十萬計、  
李公用二十萬而役竣、自三十三年三月放水、  
行漕、嗣今四百萬軍得以避險就夷、厥功爲竣、

云至四十年復議新開駱馬湖舊修歸仁堤疏  
曰糧道係國家命脉黃河係糧運咽喉去歲  
運事之遲黃河之溜居一焉則今歲速運之計  
治溜宜先惟是黃河性悍洶湍怒濤澎湃而來  
濬築難施昔呂梁之險百計料理而危如故獨  
泃河一開運艘避洪入直大稱利便則舍改濬  
似別無治溜之法矧往年各運入直盡六月爲  
期而近來運船輻輳之時正伏秋水漲之日前  
歲有劉口直口二大溜去秋復有磨兒莊等入

溜不減徐呂二洪。萬曆四十六年。前任淮徐道高副使議於劉口以東董家溝疏河行運業蒙部院允詳行間旋以狼矢溝築塞河歸故道。彼時運艘入直俱在伏秋前洶溜猶平遂爾中止。今歲糧運入直未必如期而細閱河形從馬頰口至駱馬湖口共五十里中有河形可因者二十里壅塞宜濬者三十里於中擇出流沙之處如張登莊等處量議挑河卽以挑河之土築堤免議堤工是寓築於濬也。又探得土厚之所

如張滔莊等處則議築堤卽令河內取土壘築。不議挑費是寓濬於築也。河形之曲者改直遠者改近淤者改深。緯道各隨地形務使高低一律。又自馬頰口西長八十丈濬通直河應挑深廣其上下兩頭河身應築壩長二十丈以免沙侵壩而築堤長八十丈以防直河漲漫亦以挑河之工而築堤壩或以木河挑濬未深天時旱潦難必爲疑竊思黃河水勢平則溜亦平水勢盛則溜亦盛如新運初到水平無溜仍係舊河。

磨莊入直口、如伏秋山水一發、內河充盈、糧艘  
盡繇新河而行、庶磨莊與劉口等處七十里之  
險、可以遠避、既省挽漕傳置之費、復杜諸艘風  
濤擁擠之虞、卽令黃河北徙、亦從劉口直口而  
出、不得復侵此河、致有淤塞、其未盡工力俟運  
畢、水涸、物力預備、再酌議大加挑濬、河身之淺  
者、加深、岸堤之薄者、加厚、或改自陳家溝而出、  
不特運艘有九十里之安瀾、實以開千百年之  
永利也、考歸仁堤延袤三十九里、面濶二丈下



甃石八九層不等、旣以捍禦黃水、睢水湖水使  
不得射泗州衝高堰、而又束睢湖二水之流、并  
入於黃、以益助其湍激、刷沙之勢、立法每年三  
月撥洪夫二百名、協同本堤夫、內外幫修、且連  
建十鋪、各貯椿簰埽料、其中以備不時之需、問  
橐籥則係小河口之通塞、通則睢水徑入於黃、  
河而可使堤脚之水減半、問籬籬則在耿車時  
兒灘一帶之子堤、子堤固則睢水不漫入於埤  
于等湖、而可使小河之口常通、故上自高阜下

至時灘俱議接築長堤歲加修守修此堤卽所以修歸仁堤也且河口常通卽靈雕宿遷三縣之積水亦皆有所洩斥鹵旣成腴地民舟亦避險湖是前人之爲祖陵民生計如此其周且遠也而今誰復有修明之者卽十舖亦漸就傾頽管河官往往營差曠職可嘆矣臣敢拈出以告後人俾知歸仁堤關係綦重不可不責成官夫整理舖舍運貯埽料歲歲加幫真土事事紹明前烈云爾若夫今日新開駱湖第以終加河

一段未竟之功耳。看得新河之功。舊年宿遷縣  
詳議照泇河一律估用錢糧四萬六千有奇。職  
念時日已迫。全功難竟。酌量濟新疏舊。爲伏秋  
避溜之着。幸黃水早發。山水接濟。而通漕糧船  
盡繇本河而進。然此實望外之幸。而泇身尚未  
深通。堤岸尚未堅厚。較之泇河。猶未合式。且黃  
河善徙。滄桑難定。謹始慮終。宜圖長策。幸今運  
事已畢。議大加挑築。以爲全漕永利。一勞永逸  
之計。實不敢苟且。因仍貽後日以未了之局耳。

一復屢奉憲牌議開陳溝十里河道以收完功該縣連上段河功總估銀六萬九千餘金職週旋踏勘審時度勢計前慮後於前估銀數減三分存一亦以始創之費甚省而今增數培恐啟疑訝況此時錢糧措處甚難以淮徐之民凋敝已極夫役難堪多派但漕糧關軍國命脉而新河實運道咽喉欲持一味之節儉恐悞今歲之重運故計費務求其省計功務求其全苦心酌議減估銀二萬三千六千餘兩以陳溝十里河

工濬淺䟽淤計費五千四百一十四兩四錢湖  
心堤工廂堵并各壩座料物亦二千一百九十  
六兩零六分至五十七里濬淺築堤之用僅一  
萬五千四百五十兩零九錢六分猶然以濬寓  
築湖心堤岸尚怛怛懼難砥柱中流惟恐以冒  
濫滋嫌故不得不爾時淮海道宋統殷議曰看  
得董家溝陳家溝二口之議較計難易迂直總  
不如駱馬湖爲便蓋以此處在水發重運時原  
可行舟歷年往來目擊非臆說也今第於中間

築有緯道、直接沔河、則可避磨莊劉口二處大險溜、此亦數十年便計、或久之黃河遷徙、始不可知耳、此駱馬湖之工、無容易者、至議動錢糧、不論歲修行、夫咸係河道之銀、總可通融、動用、第銀無虛冒、工有實在、又何分歲修與夫銀哉、總之、此工爲必不得已之役、以任事則有人、以錢糧則有項、非若青田雙溝塞決、大工動、大聚費、多料、俾淮徐州縣稱艱道苦無已時也、至其餘河道尚有可得而言者、淮徐大利害第一、以

皇陵爲主而漕運次之。每年伏秋水漲，地方各官無不經魂喪膽。日惟潰決是虞。自四十四年狼矢溝塞後，患遂移之西南兩岸。無歲不決，旋塞旋決。歸仁一堤岌岌不保，剝膚之憂，孰大乎？是去歲河決呂梁，黃流東注，則雙溝一帶悉爲平陸。今若干羊山橫築一堤，則郭家嘴魁山諸險可以無防，而河西堤岸上自三山下至呂梁，不過三十餘里，間倍加高厚，聽河繇黑山口東注，從馬家淺出口，其餘支流悉行堵塞，俾河流

歸一自成安瀾如此則歸仁亦可以輟防而  
陵寢無震驚之虞矣下之而邳州之郭灣千係  
州城此就歲修中實實修築可以免患其下卽  
爲直口磨莊等險有見在駱馬湖之修無容論  
矣而下之則自桃源以至清河尚可無虞惟至  
清口則爲黃淮交匯之所是漕運通塞之大關  
頭也查通濟一閘外受淮二水之入而淮弱黃  
強每年水漲正重運經行之時淮旣不能敵黃  
而黃水每挾沙而入以運船則難於登天殆水



落時而運河頗淤淺不通舟矣去歲雖大加挑濬目前儘可無患然年來糧運日遲一日既不  
能復伍月閉壩之舊則重運所出卽黃沙所入  
一二年後其能免於淤淺乎此必然之勢而又  
非區區人工所能勝者自非速會漕運諸衙門  
一大加調劑力復五月閉壩之祖制恐將來憂  
方大耳自此以下二百餘里河入海矣此二百  
餘里內惟南岸有堤顧歷年防之而不決北岸  
無堤無所事防却無甚害則以河身日高而有

堤者一決卽成建瓴無堤平地與河並高無處  
可決耳此亦天地平陂之大勢而非一時可定  
一方可槩者也總而言之淮徐河道情形槩可  
想見惟是黃河之爲河也從無十年不變之局  
目今四十三年三山決口而後狼矢決雙溝決  
青田決黃舖雙溝再決皆係全河之勢所用糾  
工庇材皆此沿河數州縣百姓耳年年大工錢  
糧措處旣艱而所估料價皆係一定其實民間  
貽費數倍無論買難卽裝運一節苦不可言如

去歲安清桃邳宿五處所需船腳所運料數費  
盡心力至今猶未結未清而他可知及今河流  
東注縷堤不遠似宜大加保固預爲修防務使  
萬分有備此沿河數百萬生靈實皆賴之